

1

PANORAMA ECONÓMICO

1.1.

Contexto económico xeral

1.2.

Indicadores macroeconómicos de Galicia

1.3.

Evolución demográfica



1.1. Contexto económico xeral

Nun contexto internacional de elevada incerteza e inestabilidade, a economía global comportouse mellor do esperado, manténdose sólido o comercio mundial por mor do crecemento das exportacións relacionadas coa tecnoloxía, e a inflación estable en grande medida. Así, o PIB mundial medra no último ano un 3,4% respecto ao ano anterior, o que supón unha décima menos que en 2024. Das tres economías máis importantes -China, Estados Unidos e a zona euro- tan só a zona euro presenta taxas de crecemento interanuais superiores ás do ano anterior, cun 1,4%, medio punto máis que no ano precedente; mantendo China un incremento do 5%; o que contrasta coa desaceleración da economía de Estados Unidos cunha medra do 2,1%, sete décimas menos que en 2024.

Xunto a China, entre as economías de mercados emerxentes e en desenvolvemento cómpre resaltar o crecemento do 7,6% do PIB na India, o que supón medio punto por riba do estimado no ano anterior; en tanto que entre as economías avanzadas, estímase que a actividade económica medra en España un 2,8%, acadando o 0,9% en Francia ou o 0,5% en Italia. Alemaña, tras dous anos de contracción económica medra un 0,2%. Cómpre resaltar ademais o crecemento da economía do Xapón, cunha medra interanual do 1,2%, cando no ano anterior se contrae un 0,2%.

No devandito contexto internacional, o cadro macroeconómico de Galicia publicado polo Instituto Galego de Estatística (IGE) reflicte unha medra interanual do PIB do 2,6%, dúas décimas inferior á rexistrada no ano anterior (2,8%).

Este incremento caracterízase por unha achega positiva tanto da demanda interna como externa. En concreto, o crecemento do 2,6% do PIB explícase por unha achega da demanda interna de 2,4 puntos fronte a tan só dúas décimas da demanda externa. Por contra, o dinamismo

da economía española ven determinado tan só polo comportamento da demanda interna, cunha contribución de 3,6 puntos porcentuais en tanto que a demanda externa detrae oito décimas. Todos os compoñentes da demanda interna presentan taxas de crecemento positivas, salientando o dinamismo do investimento, cunha medra en Galicia do 4,2% (5,8% en España). Asemade, o diferencial de crecemento da economía española explícase en maior medida pola evolución do consumo privado, que medra en España un 3,4% respecto ao ano anterior fronte ao devandito 2% en Galicia; en tanto que o consumo público rexistra en Galicia unha medra do 2,3%, tres puntos e medio menos que no ano precedente, fronte ao 2,4% no conxunto do Estado. No que respecta á demanda externa, as importacións reducíronse un 0,3% segundo o estimado nas contas económicas de Galicia, permanecendo estable o nivel de exportacións; o que contrasta coa medra do 6,2% e 3,6%, respectivamente en España.

Dende o lado da oferta, 2025 caracterizouse en Galicia polo significativo crecemento da construción, cun incremento do 7,3% (5,6% en España), aumentando por riba do estimado na economía española tanto o sector primario (1,3% e 1,2%, respectivamente) como a industria manufactureira (3,2% e 2%, respectivamente). O diferencial de crecemento coa economía española explícase fundamentalmente polo comportamento do sector servizos, que medra en Galicia un 2,7%, medio punto por baixo do estimado en España.

Tras esta evolución da actividade económica, as contas económicas amosan que o incremento interanual da ocupación en España –medido en termos de postos de traballo equivalente a tempo completo– foi do 3,1%, tres décimas superior ao do ano anterior; doutra, o número de horas traballadas medra do 2,1%, o que supón unha décima menos que no ano precedente. A poboación ocupada estimada pola EPA presenta un ritmo de crecemento do 2,6% e o número de persoas en alta laboral afiliadas á Seguridade Social en España medra un 1,7%, sendo estas porcentaxes do 2,2% e 2,6% en 2024, respectivamente. Doutra banda, tanto o paro rexistrado nas oficinas de emprego como a poboación parada estimada na EPA redúcese un 5,9%, descendendo a taxa de paro ata o 10,4%.

No que respecta á situación competitiva das CCAA, os datos do Índice de Competitividade Rexional (ICREG) elaborado polo Consello Xeral de Economistas reflicten a mellora da competitividade das CC.AA., aínda que persisten diferenzas entre elas. Galicia presenta unha medra da competitividade en torno ao 1,5% respecto á primeira estimación do ano anterior, ascendendo a súa posición relativa ata a sétima posición. Con todo, Galicia segue entre as rexións cun nivel competitivo medio-baixo, presentando unha tendencia similar á media española.

A análise do contexto macroeconómico internacional e estatal no que se desenvolve a economía galega estrutúrase en tres grandes bloques. En primeiro lugar, explícase a conxuntura económica mundial, facendo especial fincapé na situación da Unión Europea e a zona euro. A continuación analízase o panorama económico de España; e por último, faise mención á Eurorrexión Galicia-Norte de Portugal.

Panorama económico internacional

A economía mundial caracterízase en 2025 pola súa resiliencia, ao presentar un comportamento mellor do esperado, manténdose sólido o comercio mundial por mor do crecemento

Economía internacional 2020-25: evolución dos principais indicadores

	2020	2021	2022	2023	2024	2025	2026 (1)	2031 (1)
Produto Interior Bruto real								
Economía mundial	-2,7	6,7	3,8	3,3	3,4	3,4	3,1	3,1
Economías avanzadas	-3,9	6,1	3,1	1,7	1,8	1,9	1,8	1,5
EE.UU.	-2,1	6,2	2,5	2,9	2,8	2,1	2,3	1,8
Xapón	-4,3	3,6	1,3	0,7	-0,2	1,2	0,7	0,6
Zona Euro	-6,0	6,4	3,6	0,4	0,9	1,4	1,1	1,1
Alemaña	-4,1	3,9	1,8	-0,9	-0,5	0,2	0,8	0,6
Francia	-7,6	6,8	2,8	1,6	1,1	0,9	0,9	1,1
Italia	-8,9	8,9	4,8	0,9	0,8	0,5	0,5	0,7
España	-10,9	6,7	6,4	2,5	3,5	2,8	2,1	1,7
Países emerxentes e en desenvolvemento	-1,8	7,0	4,3	4,4	4,5	4,4	3,9	4,0
China	2,3	8,6	3,1	5,4	5,0	5,0	4,4	3,3
India	-5,8	9,7	7,6	7,2	7,1	7,6	6,5	6,5
IPC (medias anuais)								
Economías avanzadas	0,7	3,1	7,3	4,6	2,6	2,5	2,8	2,1
EE.UU.	1,3	4,7	8,0	4,1	3,0	2,7	3,2	2,2
Xapón	0,0	-0,2	2,5	3,3	2,7	3,2	2,2	2,0
Zona Euro	0,3	2,6	8,4	5,4	2,4	2,1	2,6	2,0
Alemaña	0,4	3,2	8,7	6,0	2,5	2,3	2,7	2,1
Francia	0,5	2,1	5,9	5,7	2,3	0,9	1,8	1,8
Italia	-0,2	2,0	8,7	5,9	1,1	1,6	2,6	2,0
España	-0,3	3,0	8,3	3,4	2,9	2,7	3,0	2,0
Países emerxentes e en desenvolvemento	5,3	5,9	9,7	8,2	8,0	5,2	5,5	3,9
China	2,5	0,9	2,0	0,2	0,2	0,0	1,2	2,0
India	6,2	5,5	6,6	5,4	4,6	2,1	4,7	4,0
Taxa de desemprego								
Economías avanzadas	6,6	5,6	4,5	4,4	4,6	4,7	4,8	
EE.UU.	8,1	5,4	3,7	3,6	4,0	4,3	4,4	
Xapón	2,8	2,8	2,6	2,6	2,6	2,6	2,6	
Zona Euro	7,9	7,7	6,7	6,5	6,4	6,3	6,2	
Alemaña	3,6	3,6	3,1	3,1	3,4	3,8	3,9	
Francia	8,0	7,9	7,3	7,3	7,4	7,6	7,9	
Italia	9,3	9,6	8,1	7,7	6,6	6,1	6,0	
España	15,5	14,9	13,0	12,2	11,3	10,5	9,8	
Déficit público (% PIB)								
Economías avanzadas	-9,8	-8,0	-3,6	-4,8	-4,6	-4,1	-4,4	
EE.UU.	-14,4	-12,9	-4,8	-7,6	-7,4	-6,5	-6,8	
Xapón	-8,3	-7,8	-5,6	-3,9	-3,0	-2,3	-3,4	
Zona Euro	-5,6	-4,8	-3,7	-3,5	-2,7	-2,6	-2,7	
Alemaña	-2,6	-3,6	-2,8	-2,2	-1,4	-1,8	-2,1	
Francia	-7,6	-5,7	-5,6	-6,4	-6,8	-6,0	-5,8	
Italia	-9,4	-9,0	-8,1	-7,6	-3,9	-2,7	-3,3	
España	-7,6	-6,0	-3,0	-2,0	-2,0	-1,6	-1,3	
Países emerxentes e en desenvolvemento	-8,4	-4,9	-4,8	-5,2	-5,4	-5,9	-5,8	
China	-9,6	-5,9	-7,3	-6,7	-7,1	-7,9	-8,2	
India	-13,2	-9,7	-9,2	-8,4	-7,9	-7,4	-7,4	

(1) Proxección

Fonte: Fondo Monetario Internacional, *Perspectivas de la Economía Mundial*, abril 2026


das exportacións relacionadas coa tecnoloxía, e a inflación estable en grande medida. Os factores adversos das maiores barreiras comerciais e da incerteza compensáronse con outros favorables como os investimentos tecnolóxicos, unhas condicións financeiras acomodaticias -en particular por mor do debilitamento do dólar estadounidense— e o apoio das políticas fiscal e monetaria. As estimacións presentadas polo Fondo Monetario Internacional no seu informe de perspectivas da economía mundial de abril de 2026 amosan un incremento interanual do PIB mundial do 3,4%, unha décima por baixo do rexistrado no ano anterior. Das tres economías máis importantes -China, Estados Unidos e a zona euro- tan só a zona euro presenta taxas de crecemento interanuais superiores ás do ano anterior, cun 1,4%, medio punto máis que no ano precedente; mantendo China un incremento do 5%; o que contrasta coa desaceleración da economía de Estados Unidos cunha medra do 2,1%, sete décimas menos que en 2024.

Xunto á devandita evolución de China e Estados Unidos, **cadro 1.1.1.**, as estimacións do FMI reflicten que entre as principais economías da zona euro, España presenta novamente a taxa de crecemento máis elevada, cun 2,8%, superando a Francia e Italia, cun 0,9% e 0,5%, respectivamente. Destaca asemade o crecemento do 0,2% en Alemaña tras dous anos cunha contracción do seu PIB. Fóra da Unión Europea destaca o significativo crecemento da actividade económica na India, cunha medra do 7,6%, cinco décimas máis que no ano precedente; así como a recuperación da economía xaponesa, cunha medra interanual do 1,2% fronte á caída do 0,2% do ano anterior. Se se consideran as distintas áreas económicas, o conxunto de países emerxentes e en desenvolvemento de Asia presentan as maiores taxas de crecemento, cunha medra interanual do 5,5% (unha décima máis que en 2024), por diante do 4,5% nos países emerxentes da África subsahariana (4,2% en 2024). Asemade, os países emerxentes de Europa presentan unha acusada ralentización, cunha medra interanual do 2%, case dous puntos menos que no ano precedente (3,8%). No conxunto das economías avanzadas a medra interanual foi do 1,9%, unha décima por riba do estimado no ano anterior.

No concernente ás previsións para o ano 2026, e baixo o suposto de que a duración, intensidade e alcance do conflito bélico en Oriente Medio sexa limitado, e que as tensións perduraran ata mediados de 2026, o FMI prevé que a economía mundial medre un 3,1%, punto e medio por riba do estimado para o conxunto de economías avanzadas (1,9%). As economías emerxentes e en desenvolvemento experimentarán unha medra do 3,9%, entre as que destacan as de Asia, cun incremento do 4,9% ou África subsahariana, cun 4,3%. Entre as principais economías, a maior ralentización prevese na economía de India, cunha medra do 6,5% para 2026, situándose esta porcentaxe no 4,4% en China. A Unión Europea prevé unha medra do 1,1% fronte ao 2,3% de Estados Unidos.

No concernente á evolución da inflación, no ano 2025 mantense a moderación no ritmo de crecemento dos prezos. Segundo as estimacións do FMI recollidas no devandito informe, o índice de prezos ao consumo nas economías avanzadas medrou un 2,5%, unha décima menos que o rexistrado no ano anterior; porcentaxe que se sitúa no 2,1% na zona euro e no 2,7% en Estados Unidos (2,4% e 3% no ano anterior, respectivamente). En China os prezos manteñen o seu nivel, fronte ao incremento do 5,2% no conxunto de países emerxentes e en desenvolvemento (8% no ano anterior). A diferenza do acontecido no ano anterior, o incremento dos pre-

Evolución dos tipos de xuro do Banco Central Europeo e Reserva Federal 2022-2024



Fonte: Banco de España e Reserva Federal dos EEUU

1.1.2.

zos acelérase en Xapón ao presentar unha medra interanual do 3,2%, o que supón cinco décimas por riba do estimado para 2024.

Coa moderación do incremento do nivel de prezos, tanto a Reserva Federal como o Banco Central Europeo aprobaron ao longo do ano 2025 novos descensos de taxas de xuro. En concreto, en Estados Unidos a Reserva Federal baixa os tipos de xuro dende o 4,25% de decembro de 2024 ata o 3,50% de decembro de 2025; sendo esta redución dun punto no Banco Central Europeo, que pasa do 3,15% en decembro de 2024 ata o 2,15% de xuño de 2025. Como se desprende do **gráfico 1.1.2.**, os descensos do BCE aprobáronse no primeiro semestre do ano, mentres que a Reserva Federal o fixo no segundo.

No que á evolución da ocupación se refire, nas economías avanzadas medra un 0,9% respecto ao ano anterior segundo as estimacións do FMI (0,7% en 2024), situándose este crecemento no 1,4% en Estados Unidos e no 0,7% no conxunto dos países da zona euro (0,2% e 1% no ano anterior). Nesta área xeográfica cómpre salientar o incremento do 2,6% experimentado no mercado laboral español, fronte ao 0,8% experimentado en Italia ou o 0,6% en Francia. Por contra, en Xapón o mercado laboral presenta unha destrución do emprego do 0,3% fronte á medra do 0,1% do ano anterior.

Xunto a esta evolución da ocupación, a taxa de desemprego no conxunto das economías avanzadas aumenta ata o 4,7%, unha décima máis que no ano precedente, acadando novamente

valores significativamente máis reducidos en Xapón, onde se mantén no 2,6%. O conxunto de países da zona euro presenta unha taxa de desemprego sensiblemente superior á das economías avanzadas, cun 6,3% (6,4% no ano anterior), a diferenza do que acontece en Estados Unidos, onde a taxa de paro aumenta ata 4,3% (4% en 2024).

• Unión Europea (UE-27)

A economía europea en 2025 caracterízase por un maior dinamismo no seu ritmo de crecemento, estimándose que o PIB do conxunto de países da UE medra un 1,5% respecto ao ano anterior, catro décimas por riba do estimado en 2024, situándose esta porcentaxe no 1,4% na zona euro (0,9% no ano precedente). Entre as principais economías europeas España presenta o mellor comportamento, cunha medra interanual do 2,8%, case tres veces e medio máis que o estimado para Francia, principal socio comercial de Galicia (0,8%). En Portugal e Italia a actividade económica medra un 1,9% e 0,5%, respectivamente. Fronte a este crecemento, a economía de Alemaña medra un 0,2% tras dous anos consecutivos cunha contracción económica (-0,9% e -0,4%).


O **cadro 1.1.3.** reflicte a evolución da actividade económica na UE, España e os principais socios comerciais galegos, amosando a resiliencia da súa economía ante os “factores adversos do aumento das barreras comerciais e da incerteza”. Ao longo dos últimos oito trimestres España presenta un mellor comportamento que as devanditas economías, salientando as taxas de crecemento positivas do PIB de Alemaña ao longo de todo o ano 2025 tras seis trimestres con caídas do PIB.

En relación ao inicio da crise económica orixinada pola pandemia, a recuperación do PIB comunitario e do conxunto de países da zona euro é inferior á estimada para a economía española. En concreto, no cuarto trimestre de 2025 o PIB real na UE supera en 7,4 puntos o estimado para o mesmo período de 2019, sendo este incremento do 6,4% na zona euro, en tanto que en España, o PIB sitúase 10,7 puntos por riba do nivel precrise. Como amosa o **gráfico 1.1.4.**, no derradeiro trimestre de 2025 o PIB de Portugal supera en 11,4 puntos o nivel precrise, fronte aos 6 puntos de Francia ou os 7,1 de Italia. Por contra, os problemas da economía alemá fan que o seu PIB real se sitúe tan só cinco décimas por riba do nivel rexistrado no derradeiro trimestre de 2019.

O cadro macroeconómico da economía europea amosa que a demanda interna constitúe o seu motor de crecemento. Esta contribúe con 2,1 puntos ao crecemento agregado do PIB, cando no ano anterior aportaba oito décimas; doutra banda, o sector exterior detrae seis décimas, o que contrasta coa achega positiva de tres décimas en 2024. Como amosa o **cadro 1.1.5.**, 2025 presenta un significativo dinamismo do investimento, cunha medra interanual do 4% fronte á caída do últimos dous anos, aumentando un 1,7% o gasto en consumo final, unha décima menos que no ano precedente. Esta desaceleración explícase polo menor dinamismo do gasto público, cun incremento do 1,7% (2,4% no ano anterior), aumentando o gasto das familias un 1,7%, unha décima máis que en 2024.

No concernente á demanda externa, tanto as exportacións como as importacións de bens e


Evolución do PIB real na UE-27, na zona euro e nas principais economías europeas, 2020-24. Taxas de variación interanual



Fonte: Eurostat

1.1.3.

Evolución do PIB real na UE-27 e nas principais economías europeas, 2019-2025. (Base IV trim. 2019 = 100)



Fonte: Eurostat

1.1.4.

PIB na UE-27 no período 2019-2025: distribución segundo compoñentes

	2019	2020	2021	2022	2023	2024	2025
				(%)			
Gasto en consumo final	1,7	-4,8	4,6	3,8	0,7	1,8	1,7
Gasto en consumo final do sector privado	1,5	-7,1	4,8	5,0	0,3	1,6	1,7
Gasto en consumo final das administracións públicas	2,0	1,2	4,1	1,1	1,6	2,4	1,7
Formación Bruta de Capital	4,8	-6,4	8,3	4,0	-3,4	-2,3	4,0
Achega demanda interna (1)	2,3	-5,0	5,3	3,7	-0,3	0,8	2,1
Exportacións de bens e servizos	3,5	-8,2	11,3	7,3	-0,4	0,8	2,3
Importacións de bens e servizos	4,8	-7,6	9,7	8,3	-1,8	0,4	3,7
Achega demanda externa (1)	-0,4	-0,6	1,1	-0,2	0,7	0,3	-0,6
PIB	1,9	-5,6	6,4	3,5	0,4	1,1	1,5


(1) aportación ao crecemento do PIB a prezos de mercado

Consulta 22/04/2026

Fonte: Eurostat

1.1.5.

Evolución mensual do índice dos prezos ao consumo harmonizado: 2022-25



Fonte: Eurostat

1.1.6.

Indicadores macroeconómicos dos Estados membros da UE-27, 2024-25

	PIB		Inflación media (1)		Desemprego		Déficit Público (1)	
	2024	2025	2024	2025	2024	2025	2024	2025
	<i>(taxa de variación anual)</i>		<i>(taxa de variación anual)</i>		<i>(%)</i>		<i>(taxa de variación anual)</i>	
Bélxica	1,1	1,0	4,3	3,0	5,8	5,2	-4,4	-5,2
Alemaña	-0,5	0,2	2,5	2,3	3,5	3,9	-2,7	-2,7
Estonia	-0,1	0,6	3,7	4,8	7,9	7,7	-1,1	-2,0
Irlanda	2,6	12,3	1,3	2,1	4,4	4,8	4,1	1,8
Grecia	2,1	2,1	3,0	2,9	10,2	8,9	1,3	1,7
España	3,5	2,8	2,9	2,7	11,4	10,6	-3,2	-2,4
Francia	1,2	0,8	2,3	0,9	7,5	7,7	-5,8	-5,1
Croacia	3,8	3,4	4,0	4,4	5,1	4,9	-2,3	-3,0
Italia	0,8	0,5	1,1	1,6	6,6	6,3	-3,4	-3,1
Chipre	3,9	3,8	2,3	0,8	5,0	4,4	4,1	3,4
Letonia	0,0	2,1	1,3	3,8	7,3	7,3	-1,8	-2,5
Lituania	3,0	2,9	0,9	3,4	7,4	7,1	-1,3	-1,8
Luxemburgo	0,4	0,6	2,3	2,5	6,4	6,5	0,9	-2,0
Malta	6,2	4,0	2,4	2,4	3,2	3,1	-3,4	-2,2
Países Baixos	1,1	1,8	3,2	3,0	3,7	3,9	-0,7	-1,6
Austria	-0,7	0,6	2,9	3,6	5,2	5,7	-4,6	-4,2
Portugal	2,2	1,9	2,7	2,2	6,6	6,2	0,6	0,7
Eslovaquia	1,9	0,8	3,2	4,2	5,4	5,5	-5,3	-4,5
Eslovenia	1,7	1,1	2,0	2,5	3,6	3,8	-0,9	-2,5
Finlandia	0,4	0,2	1,0	1,8	8,6	9,8	-4,4	-3,4
Bulgaria	3,4	3,1	2,6	3,5	4,2	3,6	-3,0	-3,5
Rep. Checa	1,3	2,6	2,7	2,3	2,7	2,9	-2,0	-2,1
Dinamarca	3,5	2,9	1,3	1,8	6,3	6,5	4,5	2,9
Hungría	0,7	0,5	3,7	4,4	4,5	4,5	-5,1	-4,7
Polonia	3,2	3,6	3,7	3,3	2,9	3,2	-6,4	-7,3
Rumanía	0,9	0,7	5,8	6,8	5,4	6,1	-9,3	-7,9
Suecia	1,0	1,5	2,0	2,6	8,5	9,0	-1,5	-1,3
UE-27	1,1	1,5	2,6	2,5	6,0	6,1	-3,1	-3,1

(1) IPC armonizado (2005=100) ou IPC nacional cando o primeiro non

(2) capacidade (+) necesidade (-) de financiamento das AA,PP, en

Fonte: Eurostat


■ 1.1.7.

servizos presentan no último ano un maior dinamismo. Dunha banda, as exportacións presentan unha medra interanual do 2,3%, cando no ano anterior aumentaran un 0,8%; doutra, as importacións aumentan un 3,7% respecto ao ano anterior, fronte ao 0,4% estimada en 2024.

Tal coma se mencionou anteriormente, 2025 caracterízase por unha contención no ritmo de crecemento dos prezos na meirande parte dos países. Os datos publicados por Eurostat reflicten que o índice de prezos harmonizado (IPCH) remata o ano cunha medra interanual en decembro do 2,3% na UE-27 e do 2% nos países da zona euro (2,7% e 2,4% no ano precedente). Entre as principais economías, a taxa de inflación máis reducida rexístrase en Francia, cunha medra do 0,7%, fronte aos 1,2% de Italia. En decembro de 2025 o IPCH situouse en España no 3% fronte aos 2,4% de Portugal e 2% de Alemaña.

No concernente ao mercado de traballo, a taxa de desemprego da UE-27 medra no ano 2025

PIB en Galicia e España 2008-25 ⁽¹⁾⁽²⁾: evolución



(1) PIBpm, índices de volume encadenados; datos corrixidos de efectos estacionais e de calendario
 (2) Os datos dos anos 2023 son provisionais. Os datos dos anos 2024 e 2025 son avance
 Fonte: INE, Contabilidad nacional trimestral de España. e IGE, Contas económicas trimestrais de Galicia.

1.1.8.

ata o 6,1%, unha décima máis que a estimada no ano anterior, situándose no 6,5% no conxunto dos países da zona euro (6,4% no ano 2024). Como reflicte o **cadro 1.1.7.**, España mantense como a economía co maior nivel de desemprego, cun 10,4%, superando a Finlandia, cun 9,8%, Suecia, cun 9%, e Grecia co 8,9%. No extremo oposto, a taxa de paro sitúase no 3,9% en Alemaña, no 6,2% de Portugal, no 6,3% de Italia ou o 7,7% de Francia.

Asemade, cómpre mencionar que a taxa de paro xuvenil aumenta na UE ata o 15,2% (14,9% na zona euro), situándose no último ano España como o segundo país coa taxa máis elevada, cun 24,9%, tras Romanía, que supera o 26% (24,3% en Suecia). No extremo oposto sitúase Alemaña, cunha taxa de desemprego xuvenil do 7,1% (6,5% no ano precedente). En Italia esta taxa sitúase no 20,6%, fronte ao 19,7% de Francia e o 19,5% de Portugal.

Panorama económico de España

No devandito contexto de elevada incerteza e inestabilidade, a economía española presenta en 2025 un bo desempeño. A medra interanual do PIB situouse no 2,8% case o dobre do estimado na Unión Europea (1,5%).

Ao igual que na UE, no conxunto de países da zona euro e as súas principais economías, a demanda interna constitúe o seu motor de crecemento. O cadro macroeconómico reflectido no



PIB en España 2024-25: distribución segundo as súas compoñentes ⁽¹⁾

	2024	2025	2025			
			I	II	III	IV
			<i>(taxas de variación interanual)</i>			
Gasto en consumo final	3,0	3,1	3,4	3,2	2,9	3,0
Gasto en consumo final dos fogares	3,0	3,3	3,8	3,4	3,1	3,1
Gasto en consumo final das ISFLSH	5,4	4,9	5,3	4,8	4,6	4,8
Gasto en consumo final das AA.PP.	2,9	2,4	2,4	2,5	2,3	2,5
Formación bruta de capital (FBC)	4,7	5,8	4,7	5,2	7,5	5,7
Formación bruta de capital fixo	3,6	5,8	4,5	4,9	7,7	6,2
Activos fixos materiais	3,3	6,0	4,4	5,1	8,1	6,2
Construción	4,0	5,2	2,6	3,4	7,3	7,5
Bens de equipo	1,9	7,4	8,0	8,2	9,8	3,7
Recursos biolóxicos cultivados	6,0	6,9	7,8	7,0	6,4	6,4
Productos da propiedade intelectual	4,6	5,3	4,7	4,2	6,0	6,2
Demanda interna (2)	3,3	3,6	3,6	3,5	3,8	3,4
Exportacións de bens e servizos	3,2	3,6	3,4	4,1	3,1	3,7
Exportacións de bens	0,1	1,1	0,1	2,1	0,5	1,5
Exportacións de servizos	9,8	8,4	9,8	8,1	7,9	7,7
Importacións de bens e servizos	2,9	6,2	5,3	6,4	6,6	6,6
Importacións de bens	0,7	6,1	4,6	6,2	6,6	6,9
Importacións de servizos	13,8	6,9	8,4	7,4	6,9	5,1
Demanda externa (2)	0,2	-0,7	-0,5	-0,6	-1,1	-0,8
PIB a prezos de mercado	3,5	2,8	3,1	2,9	2,7	2,6
Agricultura, gandeiría, silvicultura e pesca	10,8	1,2	6,9	0,3	-1,8	-0,6
Industria	1,9	2,3	1,6	2,3	2,7	2,6
Industria manufactуреira	2,6	2,0	1,8	2,0	2,5	1,8
Construción	4,8	5,6	2,9	4,6	7,8	7,0
Servizos	4,0	3,2	3,7	3,3	3,0	2,9
Impostos netos sobre os produtos	-1,3	-0,5	-0,6	0,7	-1,4	-0,7

Data consulta: 17-06-2026.

(1) PIBpm, índices de volume encadeados; datos corrigidos de efectos estacionais e de calendario.

(2) aportación ao crecemento do PIB a prezos de mercado

Fonte: INE, *Contabilidad nacional trimestral de España*.

■ 1.1.9.

cadro 1.1.9. amosa que a demanda interna achega 3,6 puntos mentres que a demanda externa detrae sete décimas ao crecemento agregado do PIB, cando no ano anterior ambas contribuían positivamente (3,3 puntos e dúas décimas, respectivamente).

Todos os compoñentes da demanda interna presentan no último ano taxas de crecemento positivas, sendo o investimento que presenta as taxas de crecemento máis elevadas. Dunha banda, o investimento, medido pola formación bruta de capital, medra un 5,8%, máis dun punto por riba do experimentado no ano precedente (4,7%). Doutra banda, o gasto en consumo final medra un 3,1%, unha décima máis que no ano anterior, impulsado en maior medida polo comportamento do gasto privado, que medra un 3,4%, tres décimas máis que no ano precedente, ralentizándose o incremento do gasto en consumo público, cun incremento do 2,4%, medio punto menos que en 2024.

No concernente á demanda externa, as exportacións de bens e servizos presentan no conxunto do ano 2025 unha medra interanual do 3,6%, fronte ao 6,2% experimentado no caso das importacións. En ambos os dous casos, o dinamismo das compras e as vendas de servizos (6,9% e 8,4%, respectivamente) é superior ao experimentado tanto nas importacións de bens (6,1%) como das exportacións (1,1%).

Dende o lado da oferta, a análise do cadro macroeconómico de España amosa que todos os sectores rexistran taxas de crecemento positivas. Dunha banda, o sector da construción presenta as taxas de crecemento máis acusadas, cunha medra interanual do 5,6%, oito décimas máis que no ano precedente (4,8%). A devandita ralentización do ritmo de crecemento do PIB veu motivada polo comportamento do sector servizos, que experimenta unha medra do 3,2%, oito décimas menos que en 2024; da industria manufacturera, cun 2%, seis décimas menos; e en menor medida, dado o seu peso relativo na economía galega, do sector primario cunha medra do 1,2% fronte ao 10,8% en 2024. Por contra, o sector industrial no seu conxunto medra un 2,3%, catro décimas por riba do experimentado no ano precedente.

Atendendo á súa desagregación segundo ramas de actividade, cómpre mencionar en primeiro lugar pola súa importancia o crecemento interanual experimentado polo subsector do comercio, transporte e hostalería (seccións G-I, CNAE 2009), cunha medra interanual do 4,4%, crecemento non obstante inferior ao estimado para o ano anterior (4,7%). As ramas que presentan as taxas de variación máis elevadas son as actividades profesionais, científicas e técnicas (sección N), cun 5,7%, porcentaxe significativamente superior á estimada no ano precedente (4,3%). Asemade, cómpre mencionar a ralentización no ritmo de crecemento das actividades de administración pública, educación e sanidade, cun 1,8%, case dos puntos menos que no ano anterior (3,7%).

Os datos correspondentes ao índice de competitividade da economía española en termos de prezos ao consumo, prezos industriais e custos laborais reflicten que España presenta unha mellora de competitividade respecto ao conxunto dos países da zona euro en termos de prezos industriais, e en termos de custos laborais unitarios respecto á UE. Por contra, tal e como amosa o **cadro 1.1.10.**, en 2024 prodúcese unha acusada perda de competitividade en relación aos novos países industrializados de Asia respecto ao IPC, menos intensa que no caso dos prezos industriais.

Atendendo á distribución funcional da renda, os datos da Contabilidade trimestral do INE amosan unha recuperación tanto da remuneración por asalariado como polo excedente bruto de explotación/rendas mixtas, sendo este máis intenso no caso da remuneración de asalariados que no do PIB en termos correntes. Dunha banda, a RA aumentou en España un 7,2% en relación ao ano anterior (6,7% en 2024), en tanto que a taxa de variación interanual do PIB foi do 5,7% fronte ao 6,4% do ano anterior. Deste xeito, o peso da remuneración de asalariados aumenta ata o 48,6%, sete décimas superior á do ano anterior (**cadro 1.1.11.**).

O excedente bruto de explotación e a renda mixta, valor que indica o pago aos factores produtivos salvo os salarios aos traballadores, presenta no ano 2025 unha medra media anual do

Indices de competitividade de España 2019-25 ⁽¹⁾

	Fronte á zona euro			Fronte á UE-27			Fronte a novos países industrializados de Asia ⁽²⁾	
	Con prezos ao consumo	Con prezos industriais	Con custos laborais unitarios	Con prezos ao consumo	Con prezos industriais	Con custos laborais unitarios	Con prezos ao consumo	Con prezos industriais
	(base 1999 =100)							
2019	107,3	111,1	99,8	105,0	109,4	96,8	86,6	103,6
2020	106,5	109,7	103,4	104,3	108,2	100,4	86,5	102,0
2021	107,1	112,5	104,3	104,7	110,7	101,0	86,9	101,2
2022	107,0	115,3	102,9	104,4	112,9	99,5	85,4	103,2
2023	104,9	112,2	102,6	101,8	98,5	101,8	92,2	112,4
2024	105,3	112,4	101,3	102,1	96,9	101,8	95,1	112,6
2025	106,0	110,8	101,9	102,4	97,2	101,7	101,3	113,7

(1) a caída no índice reflicte melloras na competitividade

(2) China, Corea do Sur, Filipinas, Hong-Kong, India, Indonesia, Malaisia, Singapur, Taiwán e Tailandia.

Fonte: Banco de España, *Boletín estadístico*

1.1.10.

Distribución funcional da renda en España 2019-2025 ⁽¹⁾

	PIB a prezos de mercado	Remuneración dos asalariados ⁽²⁾	Excedente de explotación bruto /Renda mixta bruta ⁽³⁾	Impostos netos sobre produción e importacións
	(en millóns de euros)			
2019	1.253.710	585.833	540.378	127.499
2020	1.129.214	561.866	465.129	102.219
2021	1.235.474	604.193	504.308	126.973
2022	1.373.629	655.862	585.372	132.395
2023	1.498.324	715.607	639.168	143.549
2024	1.594.330	763.677	675.128	155.525
2025	1.685.783	818.972	699.994	166.817
	(% / PIB)			
2019	100,0	46,7	43,1	10,2
2020	100,0	49,8	41,2	9,1
2021	100,0	48,9	40,8	10,3
2022	100,0	47,7	42,6	9,6
2023	100,0	47,8	42,7	9,6
2024	100,0	47,9	42,3	9,8
2025	100,0	48,6	41,5	9,9

(1) PIBpm (prezos correntes); datos corrixidos de efectos estacionais e de calendario

(2) Remuneración de asalariados: remuneración en efectivo e en especie a pagar polos empregadores aos seus asalariados como contrapartida do traballo realizado por estes durante o período contable. A remuneración de asalariados desagregase en: soldos e salarios e cotizacións sociais a cargo dos empregadores.

(3) Excedente de explotación bruto/Renda mixta bruta: corresponde á renda que obteñen as unidades da utilización dos seus propios activos de produción. No caso das empresas non constituídas en sociedades correspondentes ao sector fogares fábase de renda mixta. Este agregado contén un elemento que corresponde á remuneración do traballo realizado polo propietario ou por membros da súa familia e que non pode distinguirse dos seus beneficios como empresario.

Fonte: INE, *Contabilidad nacional trimestral de España*.

1.1.11.

3,7%, case dous puntos inferior á rexistrada no ano anterior (5,6%). Finalmente, os impostos netos sobre a produción e as importacións manteñen un crecemento do 7,3%. Tras esta evolución o peso relativo do EBE/RM redúcese ata o 41,5%, aumentando por contra o dos impostos netos, que representan 9,9% do PIB.

A pesar da devandita evolución da actividade económica as contas económicas amosan que o incremento interanual da ocupación –medido en termos de postos de traballo equivalente a tempo completo– foi do 3%, tres décimas superior ao do ano anterior; doutra, o número de horas traballadas medra do 2,1%, o que supón unha décima menos que no ano precedente. A poboación ocupada estimada pola EPA presenta un ritmo de crecemento do 2,6% e o número de persoas en alta laboral afiliadas á Seguridade Social en España medra un 1,7%, sendo estas porcentaxe do 2,2% e 2,6% en 2023, respectivamente.

Doutra banda, o número de persoas paradas rexistradas nas oficinas do Servizo Público de Emprego redúcese un 5,9% respecto ao ano anterior, ao igual que no caso da poboación parada estimada pola EPA. A taxa de paro en España descende ata o 10,4%, a porcentaxe máis elevada de toda a UE-27, situándose esta taxa no 6,1% no conxunto da UE e no 6,5% na zona euro. Entre as principais economías, salienta Alemaña, cun 3,9%, presentando Francia e Italia unhas taxas superiores á media comunitaria (7,7% e 6,3%, respectivamente).


• Comunidades Autónomas

O obxectivo deste apartado é realizar unha visión xeral do contexto socioeconómico no que se desenvolven as distintas CC.AA. e presentar a situación relativa de Galicia respecto a todas elas. Esta análise parte da consideración das taxas de crecemento do PIB nas comunidades autónomas do norte de España que están dentro do denominado “triángulo competitivo” formado polos vértices de País Vasco, Cataluña e Madrid; e a recuperación da súa economía dende o inicio da crise orixinada pola covid-19. A continuación, o estudo do posicionamento relativo das CC.AA. realízase tendo en conta variables como o PIB per cápita e os grandes agregados de emprego, para analizar posteriormente a competitividade rexional. Neste último caso, preséntanse inicialmente os indicadores sintéticos recollidos no *“Informe de la competitividad regional en España 2025”* elaborado polo Colexio Xeral de Economistas. Por último, considéranse as principais variables das consideradas pancas dinámicas da competitividade correspondentes ao capital humano e coñecemento.

O maior dinamismo da economía española en relación á Unión Europea e á zona euro reflíctese tamén na evolución das Comunidades Autónomas consideradas. Dunha banda, a taxa de variación interanual do PIB en España sitúase no 2,8% e o galego no 2,6%. Doutra banda, comparado coa evolución das CC.AA. máis competitivas segundo o devandito informe do Colexio de Economistas, Madrid e Cataluña presentan unha medra superior á de Galicia, cun 3% e 2,7%, respectivamente. Por contra, estas porcentaxes sitúanse no 2,5% en Navarra e no 2,2% no País Vasco.

O maior dinamismo da economía galega nos últimos anos reflíctese nunha maior recuperación dende o inicio da crise orixinada pola pandemia en comparación co acontecido no conxunto

Recuperación da actividade económica dende o inicio da crise económica orixinada polo coronavirus



Fonte: Elaboración propia a partir de Eurostat, IGE, Idescat, Eustat, Nastat e IE de Comunidad Madrid

■ 1.1.12.

da Unión Europea e dos países da zona euro, así como dos seus principais socios comerciais. No derradeiro trimestre de 2025 supera en 12,9 puntos o nivel acadado no cuarto trimestre de 2019, situándose este diferencial en 7,4 puntos na UE e en 6,7 puntos na zona euro; diferencial que se sitúa nun 11,4% no caso da economía portuguesa, o 6% en Francia. Doutra banda, a recuperación da actividade económica de Galicia é superior á estimada non só no conxunto de España (10,7 puntos) senón tamén á de CC.AA. como Cataluña (12,8%), País Vasco (9,7%) ou Navarra (8,4%). Por contra a economía de Madrid sitúase trece puntos porcentuais por riba do nivel precrise (**gráfico 1.1.12.**).

Os datos recollidos na Contabilidade Rexional de España, publicada polo INE en decembro de 2024 con datos para o período 2000-2024 (**cadro 1.1.13.**) reflicten que o PIB per cápita no ano 2024 en Galicia ascendeu a 30.191 euros, o que a sitúa nunha posición intermedia respecto das CC.AA., ascendendo este a 32.633 euros no conxunto do Estado. Comparado coa evolución dende o ano 2019, o PIB por habitante medra un 26,3% en Galicia, resultado dun incremento do PIB do 26,9% e do 0,4% da poboación, o que a sitúa como a cuarta Comunidade Autónoma co crecemento máis acusado tras Asturias (27,7%), Extremadura (27%) e Aragón (26,4%). No

PIB e PIB per capita 2023-2024

	PIB real		PIB per capita					
	Taxa crecemento anual		Importe		España = 100		Variación anual	
	2023	2024	2023	2024	2023	2024	2023	2024
	(%)	(%)	(euros)	(euros)	(%)	(%)	(%)	(%)
Andalucía	1,9	3,7	23.165	24.542	74,8	75,2	7,4	5,9
Aragón	1,3	3,1	34.742	36.699	112,2	112,5	6,2	5,6
Asturias	1,7	3,0	28.130	29.660	90,8	90,9	6,0	5,4
Baleares	3,8	4,2	33.995	36.093	109,7	110,6	9,6	6,2
Canarias	4,1	4,4	24.256	25.861	78,3	79,2	9,1	6,6
Cantabria	1,9	2,5	28.392	29.893	91,7	91,6	7,1	5,3
Castela e León	1,4	2,9	29.273	30.887	94,5	94,6	6,4	5,5
Castela-A Mancha	0,2	3,5	25.090	26.291	81,0	80,6	3,9	4,8
Cataluña	2,9	3,7	35.600	37.477	114,9	114,8	7,7	5,3
C. Valenciana	2,5	3,3	26.512	27.626	85,6	84,7	7,3	4,2
Extremadura	2,1	2,7	23.891	25.224	77,1	77,3	7,4	5,6
Galicia	2,7	2,9	28.661	30.191	92,5	92,5	7,9	5,3
Madrid	3,4	3,6	42.639	44.749	137,7	137,1	8,6	4,9
Murcia	1,1	4,4	25.536	26.944	82,4	82,6	5,2	5,5
Navarra	1,3	3,3	36.987	39.096	119,4	119,8	6,5	5,7
País Vasco	1,8	2,6	39.041	41.010	126,0	125,7	7,6	5,0
A Rioxa	2,5	3,2	32.412	34.125	104,6	104,6	6,5	5,3
Ceuta	1,5	1,1	22.413	23.070	72,4	70,7	5,4	2,9
Melilla	2,4	1,3	20.454	21.118	66,0	64,7	5,3	3,2
Total	2,5	3,5	30.976	32.633	100,0	100,0	7,6	5,3

Fonte: INE, Contabilidad Regional de España

1.1.13.

conxunto de España este indicador medra un 22,6% tras incrementarse o PIB un 27,2% e a po-boación un 3,8%.

En termos de emprego, os datos por CC.AA. proporcionados pola EPA permiten facer unha análise máis actualizada con datos estimados para o ano 2025. Unha primeira aproximación ao mercado de traballo pode facerse a partir dos valores dos grandes agregados recollidos no **cadro 1.1.14.**: taxas de actividade, ocupación e desemprego.

Dunha banda, a taxa de actividade sitúase en España no 59% fronte ao 53,5% de Galicia, en tanto que as taxas de ocupación e paro sitúanse no 52,8% e 10,5%, respectivamente (49,1% e 8,4% en Galicia). Comparativamente co resto das CC.AA., Galicia mantense como a segunda Comunidade coa taxa de actividade máis reducida, tan só por detrás de Asturias (52,7%); e como a cuarta cunha menor taxa de ocupación, só por detrás de Andalucía (48,4%), Asturias (48%) e Extremadura (47,1%). Doutra banda, no que á taxa de desemprego se refire, Galicia ocupa unha posición intermedia, aínda que o nivel de paro atópase lonxe das rexistradas en País Vasco e Cantabria (7,3%) ou Navarra (7,7%). A diferenza do que acontece no ano anterior, a taxa de paro xuvenil descende en Galicia ata o 24,9% (25,7% no ano anterior), estimándose un descenso superior no conxunto do Estado, acadando un valor de 24,9% (26,5% en 2024).

No concernente á análise da situación competitiva das Comunidades Autónomas, este pode



Emprego nas CC.AA. 2024-25

	2025				2024			
	Taxa Actividade	Taxa Ocupación	Taxa paro (%)	Taxa paro xuvenil	Taxa Actividade	Taxa Ocupación	Taxa paro (%)	Taxa paro xuvenil
Andalucía	57,2	48,4	15,2	32,8	56,8	47,5	16,5	36,9
Aragón	58,5	53,8	8,0	24,1	58,7	54,0	8,1	23,4
Asturias	52,7	48,0	8,8	27,7	51,4	46,2	10,1	32,9
Baleares	64,0	58,4	8,9	17,3	63,9	58,0	9,3	23,5
Canarias	60,0	51,9	13,5	29,6	59,6	51,4	13,8	28,5
Cantabria	55,5	51,4	7,3	20,1	55,9	51,5	7,8	21,7
Castela e León	54,5	49,8	8,6	24,7	54,3	49,2	9,4	27,7
Castela-A Mancha	58,8	51,3	12,8	27,7	58,2	50,4	13,3	29,0
Cataluña	61,8	56,6	8,4	19,0	61,6	56,1	8,9	22,1
C. Valenciana	58,7	51,9	11,6	30,5	58,9	51,5	12,6	25,6
Extremadura	55,2	47,1	14,8	37,6	54,7	46,3	15,5	35,4
Galicia	53,5	49,1	8,4	24,9	53,2	48,2	9,4	25,7
Madrid	63,3	58,2	8,0	19,3	63,1	57,5	9,0	20,4
Murcia	59,9	52,7	12,1	25,3	59,7	52,1	12,7	27,2
Navarra	58,9	54,4	7,7	20,8	59,3	54,7	7,6	22,9
País Vasco	55,8	51,7	7,3	18,8	56,1	51,5	8,1	23,2
A Rioxa	59,2	54,4	8,1	25,5	58,5	52,8	9,7	31,7
Ceuta	61,1	46,3	24,4	55,6	60,5	43,9	27,5	66,6
Melilla	54,9	41,3	24,8	59,5	58,9	42,2	28,3	62,6
Total	59,0	52,8	10,5	24,9	58,8	52,1	11,3	26,5

Fonte: INE,EPA

■ 1.1.14.

realizarse a partir dos valores do Índice de Competitividade Rexional (ICREG) que anualmente elabora o Consello Xeral de Economistas. O seu “Informe de la competitividad regional en España 2025”, con datos correspondentes ao ano 2024, recolle unha mellora da competitividade nas CC.AA. aumentando o valor do ICREG en Galicia en torno ao 1,5% en relación á primeira estimación do ano anterior, situándose o seu valor en 9,37.

Os distintos indicadores seleccionados na elaboración do devandito índice anual de competitividade, que se agrupan en sete eixos competitivos (entorno económico, mercado de traballo, capital humano, entorno institucional, infraestruturas básicas, eficiencia empresarial e innovación), permiten identificar os factores determinantes para a competitividade e proporciona información sobre as claves para a súa mellora.

Tal como se observa no **cadro 1.1.15.**, a Comunidade de Madrid, xunto con Navarra e o País Vasco conforman o grupo competitivo relativo alto, consolidándose o denominado “triángulo competitivo”, formado polos vértices de País Vasco, Cataluña e Madrid. O grupo de nivel medio-alto queda constituído tan só por Cataluña, en tanto que A Rioxa, Aragón, Galicia, Castela e León, Cantabria e Asturias englobanse no nivel competitivo relativo medio-baixo. Galicia adianta a súa posición relativa ocupando o sétimo posto en relación ao resto das CC.AA.

A pesar de que Galicia mantén no ano 2024 un nivel de competitividade relativo medio baixo, o entorno institucional (eixo 4) segue a rexistrar un nivel alto en contraposición novamente co acontecido coas infraestruturas básicas (eixo 5) e a eficiencia empresarial (eixo 6).

Ranking das CC.AA. segundo o Índice de Competitivade Rexional 2019-2024

	2019	2020	2021	2022	2023	2024
1	Madrid	Madrid	Madrid	Madrid	Madrid	Madrid
2	Navarra	Navarra	Navarra	País Vasco	País Vasco	Navarra
3	País Vasco	País Vasco	País Vasco	Navarra	Navarra	País Vasco
4	Cataluña	Cataluña	Cataluña	Cataluña	Cataluña	Cataluña
5	A Rioxa	A Rioxa	Aragón	A Rioxa	Aragón	Aragón
6	Aragón	Aragón	A Rioxa	Aragón	A Rioxa	A Rioxa
7	Castela e León	Castela e León	Castela e León	Castela e León	Castela e León	Galicia
8	Galicia	Cantabria	Cantabria	Galicia	Galicia	Castela e León
9	Cantabria	Galicia	Galicia	Cantabria	Cantabria	Cantabria
10	C. Valenciana	Asturias	Asturias	Asturias	Asturias	Asturias
11	Asturias	C. Valenciana	C. Valenciana	C. Valenciana	C. Valenciana	Murcia
12	Murcia	Murcia	Murcia	Murcia	Murcia	C. Valenciana
13	Castela-A Mancha	Castela-A Mancha	Castela-A Mancha	Castela-A Mancha	Castela-A Mancha	Castela-A Mancha
14	Baleares	Baleares	Baleares	Baleares	Canarias	Canarias
15	Canarias	Canarias	Canarias	Canarias	Baleares	Baleares
16	Andalucía	Andalucía	Andalucía	Andalucía	Andalucía	Andalucía
17	Extremadura	Extremadura	Extremadura	Extremadura	Extremadura	Extremadura

Fonte: Consejo General de Economistas, *Informe de la Competitividad Regional en España 2025*

■ 1.1.15.

Perfil do Índice de Competitivade Rexional (ICREG) en Galicia 2024

	Posición	Nivel competitivo	Tendencia
Eixo 1.- Entorno económico	9	Medio-Baixo	Na media
Eixo 2.- Mercado de traballo	10	Medio-Alto	Sen cambios
Eixo 3.- Capital humano	7	Medio-Alto	Sen cambios
Eixo 4.- Entorno institucional	4	Alto	Superior á media
Eixo 5.- Infraestruturas básicas	14	Baixo	Superior á media
Eixo 6.- Eficiencia empresarial	15	Baixo	Sen cambios
Eixo 7.- Innovación	6	Medio-Baixo	Descenso
Galicia	7	Medio-Baixo	Na media

Fonte: Consejo General de Economistas, *Informe de la Competitividad Regional en España 2024*

■ 1.1.16.

Indicadores de competitividade: pancas dinámicas, capital humano

	Médicos	Formación		Mercado de traballo			
	2023 <i>(médicos / 100.000 hab)</i>	Pop. 25-34 con educación secundaria ou terciaria		Taxa Ocupación 15-64 anos	Taxa ocup. Feminino 15- 64 anos	Taxa ocup. 55-64 anos	Taxa paro xjuvenil
		2025 <i>(% poboación 25-34 anos)</i>	2024 <i>(% mulleres 25-34 anos)</i>	2025 <i>(% poboación 15-64 anos)</i>	2025 <i>(% poboación feminina 15-64 anos)</i>	2025 <i>(% poboación 55-64 anos)</i>	2025 <i>(%)</i>
Andalucía	383	70,0	53,1	60,4	54,3	54,2	32,7
Aragón	520	74,4	52,3	70,0	65,1	65,6	24,1
Asturias	542	82,9	52,9	67,3	63,9	58,7	27,9
Baleares	448	68,2	52,4	70,5	67,3	67,6	17,1
Canarias	454	76,6	52,5	63,2	59,5	56,9	29,5
Cantabria	509	83,5	50,8	68,3	64,5	61,0	19,8
Castela e León	405	76,5	50,7	69,1	64,4	66,9	24,7
Castela-A Mancha	341	70,3	52,8	64,8	56,9	59,4	27,6
Cataluña	412	76,0	49,9	70,9	67,4	67,6	19,1
C. Valenciana	376	73,0	52,3	65,5	60,2	60,3	30,5
Extremadura	528	70,7	54,0	61,9	56,1	56,0	37,4
Galicia	404	80,5	52,3	67,4	66,0	61,5	24,7
Madrid	545	80,9	51,5	72,1	69,5	69,2	19,3
Murcia	434	68,0	51,7	63,7	57,0	61,6	25,4
Navarra	533	83,1	50,6	69,5	64,9	69,8	20,9
País Vasco	556	87,7	49,4	69,1	67,3	65,4	18,6
A Rioxa	381	70,8	50,6	71,1	67,7	67,6	25,5
Ceuta	602	59,9	53,5	52,1	43,6	65,3	57,5
Melilla	-	73,1	44,6	47,4	39,8	57,4	60,2
Total	439	75,5	51,7	67,0	62,7	62,4	24,9

(consulta 2-06-2026)

Fonte: *Elaboración propia a partir de INE, EPA; Orkestra, Instituto vasco de competitividad, Panel de indicadores de competitividad*

■ 1.1.17.

No que á intensidade do dinamismo competitivo da economía galega se refire, Galicia está encadrada entre as CC.AA. cun crecemento en torno á media estatal, xunto con Asturias, Castela A Mancha, Madrid, Cataluña, País Vasco e A Rioxa. Asemade, outras tres Comunidades presentan un crecemento superior á media: Andalucía, Extremadura e Navarra.

O **cadro 1.1.16.** amosa o comportamento dos eixos en Galicia: dunha banda, dos sete eixos considerados no informe, os de entorno institucional e infraestruturas básicas (eixos 4 e 5) presentan unha tendencia superior á media das CC.AA.; mentres que o que se refire á innovación (eixo 7) presenta un dinamismo relativo inferior á media estatal. No último ano mantense na media o eixo correspondente ao entorno económico (eixo 1).

Segundo o devandito informe, entre os indicadores coas achegas máis positivas corresponden á variación do PIB en volume (eixo 1); emprego involuntario a tempo parcial (eixo 2); desigualdade S80/S20 (eixo 4); accesos instalados e parque de vehículos ecolóxicos (eixo 5); dinamismo empresarial (eixo 6); patentes (eixo 7). Pola contra, entre as contribucións máis negativas corresponden ao coeficiente de apertura externa (eixo 1); taxa de paro xuvenil (eixo 2); variación de custos laborais unitarios e ninis (eixo 6) e investigadores (eixo 7).

Indicadores de competitividade: pancas dinámicas, coñecemento

	Gasto I+D		Emprego		Patentes (promedio trienal)		
	Esfuerzo investidor	Sector empresarial	Manufacturas media e alta tecnoloxía	Servizos intensivos en coñecemento	Nº patentes	Patentes por investigador S. Empresarial	Patentes colaboración estraxeira
	2024	2023	2025	2025	2021	2021	2021
	(% PIB)	(% gasto total)	(%)		(patentes PCT / millón hab)	(patentes / mil investigadores empresa -EDP)	(% total patentes)
Andalucía	1,2	34,3	2,1	36,4	19,0	46,0	15,7
Aragón	1,2	59,2	7,5	36,3	52,0	47,0	8,5
Asturias	1,0	56,0	2,2	39,0	35,0	39,0	21,4
Baleares	0,5	41,6	0,4	34,6	15,0	54,0	6,6
Canarias	0,6	28,8	0,5	34,8	9,0	48,0	10,7
Cantabria	1,0	36,8	3,6	37,8	37,0	64,0	8,4
Castela e León	1,4	61,0	4,2	38,2	22,0	23,0	8,3
Castela-A Mancha	0,6	57,1	3,5	34,1	9,0	28,0	10,6
Cataluña	1,9	64,3	6,6	38,0	78,0	47,0	12,8
C. Valenciana	1,2	46,5	3,4	33,4	42,0	46,0	7,1
Estremadura	0,7	25,9	0,9	42,2	6,0	21,0	8,2
Galicia	1,2	47,8	3,5	35,8	18,0	17,0	5,9
Madrid	2,2	57,4	3,2	45,7	54,0	25,0	18,5
Murcia	1,1	48,5	2,4	32,1	25,0	37,0	4,2
Navarra	1,8	67,2	11,5	35,9	75,0	41,0	10,2
País Vasco	2,2	76,5	8,2	42,3	56,0	14,0	9,6
A Rioxa	0,9	40,4	4,3	31,1	16,0	27,0	8,5
Ceuta	0,2	-	-	61,7	-	-	-
Melilla	0,4	-	-	57,9	-	-	-
Total	1,5	56,4	3,9	38,0	39,0	33,0	12,6

(consulta 2-06-2026)

Fonte: Elaboración propia a partir de INE, EPA; Orkestra, Instituto vasco de competitividad, Panel de indicadores de competitividad

1.1.18.

Xunto aos devanditos índices sintéticos, cómpre facer referencia ás pancas dinámicas de competitividade, entendidas como aquelas que inciden no nivel de competitividade para o benestar, e que son elementos sobre os que hai máis marxe de manobra de actuación e cuxa combinación afecta aos resultados económicos empresariais do territorio e ao benestar presente e futuro das persoas. Os **cadros 1.1.17.** e **1.1.18.** reflicten as principais variables relativas ao capital humano e ao coñecemento.

Dunha banda, Galicia presenta valores superiores á media estatal no caso da poboación de 25-34 anos con educación secundaria ou terciaria (6ª C.A.) e taxas de ocupación feminina e de ocupación total, entendidas como a porcentaxe de poboación feminina e total con idades entre 15 e 64 anos (6ª e 10ª C.A., respectivamente). Asemade, cómpre mencionar que a taxa de desemprego xuvenil en Galicia é lixeiramente inferior á rexistrada no conxunto de España, situándose como a décima Comunidade Autónoma coa taxa máis elevada.

Por contra, Galicia non presenta unha boa posición relativa respecto ao conxunto do Estado no que ás variables das pancas dinámicas se refire –gasto I+D, emprego e, especialmente, patentes–. Dunha banda, tanto o esforzo investidor como o peso relativo do gasto empresarial en actividades de I+D presentan un nivel inferior á media española, situándose como a sexta e



décima C.A. cos valores máis elevados. Doutra, os indicadores de patentes sitúanse significativamente por baixo da media estatal, ocupando o décimo sexto posto no caso das patentes por investigador no sector privado, o décimo cuarto no que ás patentes con colaboración estranxeira se refire, e o décimo segundo posto no ranking de CC.AA. en termos de patentes por cada millón de habitantes.

Panorama económico da Eurorrexión Galicia-Norte de Portugal

A análise da Eurorrexión parte da análise dos datos recollidos no panel de competitividade elaborado por Orkestra, Instituto Vasco da Competitividade, observando os datos correspondentes a Galicia e ao Norte de Portugal, así como a súa posición relativa no conxunto das rexións europeas analizadas.

O devandito panel de indicadores publicado polo Instituto Vasco de Competitividade, agrupa as distintas variables en catro grandes dimensións:

- Resultados de benestar, dado que a competitividade dun territorio se reflicte nos resultados de benestar que é capaz de xerar;
- Resultados económico-empresariais;
- Pancas dinámicas;
- Contexto estrutural.

Comezando por esta última dimensión, que inclúe as características propias do territorio e que permanecen relativamente estables no tempo, a Eurorrexión Galicia-Norte de Portugal ocupa unha superficie de 50.862 quilómetros cadrados e conta en 2024 cunha poboación de 6.407.583 habitantes, 27.889 persoas máis que no ano anterior (0,4%), o que implica unha densidade media de 126 habitantes por quilómetro cadrado. En relación á UE-27, a Eurorrexión representa o 1,1% da súa superficie, situándose o peso relativo da súa poboación no 1,4%.

En termos relativos, a taxa de natalidade en Galicia descende ata os 4,9 nacementos por cada mil habitantes en 2024 e ata os 6,9 nacementos na rexión norte de Portugal, indicador que se sitúa lonxe da media europea (7,9 nacementos por cada mil habitantes), e a taxa de envellecementos aumenta ata os 26,6 maiores de 65 anos por cada cen habitantes en Galicia e 23,8% no norte de Portugal (21,6% na UE-27). Estes indicadores reflicten os problemas en termos de demografía na Eurorrexión, especialmente en Galicia, que se sitúa como a terceira rexión europea coa taxa de natalidade máis reducida das 195 analizadas (posto 193) e a décimo oitava coa taxa de envellecemento máis elevada (postos 135 e 60, respectivamente, no norte de Portugal).

No que á dimensión do desempeño económico e empresarial se refire, que reflicte os resultados da actividade empresarial e do conxunto do sistema económico dun territorio, o PIB por habitante da Eurorrexión en 2024 representa o 76,9% dos 27 países da UE, porcentaxe dous puntos e medio superior á rexistrada no ano anterior (74,4%). Como se desprende do **cadro 1.1.19.a.**, existe unha importante diferenza entre Galicia e a rexión Norte de Portugal, acadando este indicador os 84,3 puntos en Galicia (UE-27=100) fronte aos 70,8 puntos no norte de Portugal, valores que sitúan á Comunidade Autónoma no posto 98 das 195 rexións consideradas, fronte ao 137 no caso da rexión portuguesa.

Indicadores de competitividade: Contexto estrutural e resultados económico-empresariais

Contexto estrutural

	Ano	Galicia		Norte de Portugal		UE-27	
		Valor	Rk	Valor	Rk		
Densidade de poboación	<i>Habitantes/km2</i>	2024	92,0	115 / 195	175,0	65 / 195	110,0
Taxa de natalidade	<i>nacementos/1.000 habitantes</i>	2024	5,0	193 / 195	7,0	135 / 195	8,0
Taxa de envellecemento	<i>% maiores 65 sobre pob. total</i>	2024	26,6	18 / 195	23,8	60 / 195	21,6
Poboación	<i>millóns de habitantes</i>	2024	3,0	46 / 195	4,0	32 / 195	449,0

Resultados económico-empresariais (1)

	Ano	Galicia		Norte de Portugal		UE-27	
		Valor	Rk	Valor	Rk		
PIB per capita	<i>PPA - euros</i>	2024	33.700	98 / 195	28.300	137 / 195	39.958
Produtividade hora traballada (1)	<i>euros / hora</i>	2024	39,0	106 / 195	21,0	146 / 195	46,0
Produtividade hora traballada. Sector manufactureira (1)	<i>euros / hora</i>	2024	46,0	92 / 192	20,0	154 / 192	51,0
Custo laboral unitario (1)	<i>% por persoa ocupada</i>	2024	58,9	87 / 195	66,5	173 / 195	61,9
Custo laboral unitario. Manufacturas (1)	<i>% por persoa ocupada</i>	2024	52,2	48 / 195	63,1	152 / 195	57,7

(consulta 2-06-2026)

(1) Norte de Portugal: datos a 2022

Fonte: Orkestra, Instituto vasco de competitividad, *Panel de indicadores de competitividad*

1.1.19.a.

Galicia presenta unha produtividade por hora traballada superior á do Norte de Portugal, se ben esta se sitúa lonxe da media comunitaria. Dunha banda, a produtividade por hora ascende en Galicia ata os 39 euros, o que supón un 15,2% inferior á media europea (46euros), fronte aos 21 euros no caso da rexión norte de Portugal. Doutra banda, este diferencial é máis reducido se se considera a produtividade no sector manufactureiro, que ascende en Galicia a 46 euros, un 9,2% inferior á da Unión Europea (51 euros) cando no norte de Portugal se sitúa en 20 euros por hora traballada.

No concernente aos indicadores de rendibilidade empresarial, o CLU, entendido como a relación entre a remuneración por persoa ocupada e a produtividade, sitúase en Galicia por baixo do rexistrado non só na rexión norte de Portugal senón tamén na UE-27. Así, o CLU aumenta no ano 2024 ata o 58,9% por persoa ocupada, porcentaxe que se sitúa no 66,5% na rexión norte de Portugal e no 61,9% de media no conxunto da Unión Europea. No caso do sector manufactureiro, o custo laboral situase en Galicia no 52,2%, cinco puntos e medio inferior á media comunitaria (57,7%), ascendendo no norte de Portugal ao 63,1%.

O **cadro 1.1.19.(b)**. recolle ás pancas dinámicas que inciden no nivel de competitividade para o benestar, distinguindo entre capital natural, capital físico, coñecemento, capital humano e por último, capital social e institucional. Inclúe aqueles elementos sobre os que hai maior marxe de actuación e cuxa combinación afecta tanto aos devanditos resultados económico-empresariais e ao benestar da cidadanía.



Indicadores de competitividade: pancas dinámicas

		Ano	Galicia		Norte de Portugal		UE-27
			Valor	Rk	Valor	Rk	
Capital natural							
Patentes PCT verdes (promedio trienal)	% total patentes	2021	3,7	68 / 190	1,9	128 / 190	3,9
Capital físico							
Formación bruta de capital	% sobre PIB	2023	17,4	173 / 195	20,0	138 / 195	22,4
Coñecemento							
Gasto total I+D	% PIB	2024	1,2	100 / 196	2,0	53 / 196	2,2
Gasto en I+D empresarial	% gasto I+D total	2023	47,8	114 / 176	65,2	69 / 176	66,7
Emprego manufacturas tecnoloxía alta e medio-alta	% emprego total	2025	3,5	120 / 175	4,8	88 / 175	5,9
Emprego en servizos intensivos en coñecemento	% emprego total	2025	35,8	124 / 194	34,9	134 / 194	41,7
Publicacións (Wos)	publicacións por millóns de habitantes	2024	2.773,0	87 / 195	3.896,0	54 / 195	2.417,0
Patentes PCT por millón habitantes (promedio trienal)	patentes / M. hab.	2021	18,0	124 / 195	30,0	104 / 195	105,0
Patentes PCT por investigador I+D del sector empresarial (promedio trienal)	patentes / 1.000 investigadores empresa	2021	17,0	116 / 197	12,0	137 / 197	44,0
Patentes PCT con colaboración estranxeira (promedio trienal)	% patentes	2021	5,9	171 / 196	12,8	90 / 196	11,9
Persoas que realizaron compras online no último ano	% persoas 16-74 anos	2024	65,5	125 / 195	55,2	164 / 195	71,6
Capital humano							
Médicos por cada cen mil habitantes	Médicos por cada cen mil habitantes	2023	404,0	73 / 165	601,0	18 / 165	445,0
Poboación 25-34 anos con educación secundaria e terciaria	% poboación 25-34 anos	2025	80,5	154 / 193	84,9	125 / 193	86,6
Mulleres de 25-34 anos con educación secundaria e terciaria	% poboación 25-34 anos con educación secundaria e terciaria	2024	52,3	21 / 193	51,6	27 / 193	49,7
Taxa de emprego	% poboación 15-64 anos	2025	67,4	154 / 201	72,8	86 / 201	71,0
Taxa emprego mulleres	% pob. feminina 15-64 anos	2025	66,0	115 / 194	69,7	81 / 194	66,6
Taxa de desemprego xuvenil (15-24 anos)	% poboación activa 15-24 anos	2025	24,7	42 / 162	18,4	89 / 162	15,2
Taxa de emprego poboación 55-64 anos	% poboación 55-64 anos	2025	61,5	132 / 194	65,5	99 / 194	66,4
Capital social e institucional							
Participación en eleccións xerais	% votantes rexistrados que votan	2019	66,6	116 / 188	56,5	163 / 188	71,4

(consulta 2-06-2026)

Fonte: Orkestra, Instituto vasco de competitividade, Panel de indicadores de competitividade

■ 1.1.19.b.

Con carácter xeral, as dúas rexións non presentan unha boa posición relativa en relación ao conxunto das rexións europeas consideradas. Entre os aspectos positivos cómpre salientar, en primeiro lugar, a porcentaxe de mulleres de 25 a 34 anos con educación secundaria e terciaria, que en Galicia ascende ao 52,3% e no norte de Portugal ao 51,6% (49,7% na UE), o que as sitúa entre as rexións europeas cos valores máis elevados (posto 21 e 27, respectivamente). Sobresae tamén o feito de que no norte de Portugal o número de médicos por cada cen mil habitantes é superior á do conxunto das rexións analizadas, o que contrasta coa que acontece en Galicia. En concreto, Galicia conta con 404 médicos por cada cen mil habitantes e o norte de Portugal con 601, o que as sitúa nos postos 73 e 18, respectivamente.

No ámbito do emprego cómpre mencionar que a rexión portuguesa presenta taxas de ocupación e desemprego mellores que en Galicia, situándose as taxas de ocupación da poboación de 15 a 64 anos no norte de Portugal por riba da media europea. Como se aprecia no devandito **cadro 1.1.19.(b)**, as taxas de ocupación no norte de Portugal ascenden ata o 72,8% fronte ao 67,4% en Galicia (postos 86 e 154 das 201 rexións europeas analizadas), situándose no 71% a media europea. No que atinxe ao emprego feminino, o 69,7% das mulleres de 15-64 anos están ocupadas no norte de Portugal fronte ao 66% na Comunidade Autónoma (66,6% no conxunto das 194 rexións analizadas). En relación ao resto das rexións analizadas, a ocupación feminina galega sitúase como a 115 taxa máis elevada, e a rexión portuguesa ocupa o posto 81 de 194 rexións europeas consideradas.

Indicadores de competitividade: Resultados de benestar

		Ano	Galicia		Norte de Portugal		UE-27
			Valor	Rk	Valor	Rk	
Vida material							
Renda dispoñible per capita	PPA - euros	2023	19.800	91 / 195	16.000	145 / 195	21.000
Persoas en risco pobreza ou exclusión social (AROPE)	% poboación total	2024	18,8	90 / 195	21,0	113 / 195	21,0
Emprego							
Taxa de desemprego (15-74 anos)	% sobre poboación activa 15-74 anos	2025	8,4	148 / 192	6,3	110 / 192	6,0
Taxa de desemprego feminino (15-74 anos)	% sobre poboación activa feminina 15-74 anos	2025	8,7	138 / 185	7,2	119 / 185	6,2
Aprendizaxe							
Poboación 25-64 anos que participa formación continua	% poboación 25-64 anos	2025	14,7	75 / 200	15,7	64 / 200	13,7
Poboación 25-64 anos con educación secundaria alta ou terciaria	% poboación 25-64 anos	2025	67,4	168 / 194	58,9	181 / 194	81,2
Saúde							
Esperanza de vida ao nacer	anos	2024	84,0	18 / 195	83,1	54 / 195	82,0
Medioambiente							
Contaminación do aire en PM2.5	nivel medio µg/m3 experimentado pola poboación	2019	9,0	34 / 201	7,0	17 / 201	12,0

(consulta 2-06-2026)

Fonte: Orkestra, Instituto vasco de competitividade, Panel de indicadores de competitividade

■ 1.1.19.c.


No que ao coñecemento se refire, o gasto total en I+D en relación ao PIB e o peso relativo do gasto empresarial sitúase na Eurorrexión por baixo do conxunto da UE, presentando en ambos os dous parámetros a rexión norte de Portugal unha mellor posición relativa. Dunha banda, o esforzo investidor acadada na rexión norte de Portugal o 2% fronte ao 1,2% en Galicia, porcentaxe que se sitúa lonxe do 2,2% na Unión Europea. Comparado co resto das 196 rexións europeas analizadas, Galicia sitúase no posto 100 fronte ao 53 no caso portugués. Doutra banda, o gasto empresarial en actividades de I+D representa en Galicia o 47,8% do gasto total, dezanove puntos menos que na UE (66,7%), o que a sitúa como a rexión 114 de 176 analizadas con maior porcentaxe, acadando o 65,2% no norte de Portugal (posto 69).

Asemade, no que ás patentes se refire, tanto no caso do número de patentes por millón de habitantes como patentes por investigador en actividades de I+D no sector privado, a Eurorrexión está moi lonxe da media europea. En concreto, Galicia conta con 18 patentes por millón de habitantes (posto 124 de 195 rexións consideradas) fronte ás 30 do norte de Portugal (posto 104) cando en Europa este indicador supera as cen patentes por millón de habitantes (105 patentes). Doutra banda, no caso das patentes no eido empresarial, o promedio trienal de patentes por investigador I+D en Galicia é de 16,6 fronte ás 11,9 da rexión portuguesa e as 44 patentes na UE (postos 116 e 137 de 197 rexións europeas).

Por último, cómpre facer referencia á dimensión de resultados de benestar, xa que a competitividade dun territorio se reflicte neses resultados que é capaz de xerar. O **cadro 1.1.19.(c)** recolle os cinco ámbitos nos que se divide esta dimensión: vida material, emprego, aprendizaxe, saúde e medioambiente. Como se mencionou anteriormente, Galicia presenta unha taxa de desemprego moito máis elevada que a rexión norte de Portugal e a media europea. Doutra banda, cómpre mencionar que Galicia é a décimo oitava rexión con maior esperanza de vida ao nacer (84,1 anos), presentando a UE unha esperanza de vida de 81,5 anos e o norte de Por-





tugal, 83,1 anos (posto 54 de 195 rexións analizadas). Asemade, o 14,7% da poboación de 25-64 anos participa en actividades de formación continua (posto 75 de 200 rexións) fronte aos 13,3% da UE e os 15,7% do norte de Portugal (64). 



1.2.


Indicadores macroeconómicos de Galicia

Nun contexto económico internacional altamente complexo e inestable, as economías galega e española manteñen un importante dinamismo. No conxunto do ano 2025 o PIB galego presenta unha medra interanual do 2,6%, dúas décimas menos que no conxunto do Estado, sendo esta medra novamente superior ao estimado para a economía europea (1,5%), a zona euro (1,4%) e para os principais socios comerciais. Con todo, tras vinte trimestres consecutivos con taxas positivas de crecemento, o PIB real en Galicia supera no cuarto trimestre do ano en 12,9 puntos o nivel existente no mesmo período de 2019, fronte aos 10,7 puntos en España, ou os 6,4 no conxunto de países da zona euro.

O devandito incremento agregado da actividade económica en Galicia caracterízase por unha achega positiva tanto da demanda interna como externa. En concreto, o crecemento do 2,6% do PIB explícase por unha achega da demanda interna de 2,4 puntos fronte a tan só dúas décimas da demanda externa. Isto contrasta co acontecido na economía española e europea, onde o crecemento económico explícase tan só pola demanda interna xa que a demanda externa detrae oito e cinco décimas ao crecemento do PIB, respectivamente (a demanda interna aporta 3,6 puntos en España e 2,1 puntos na UE).

Entre os compoñentes da demanda interna o ano 2025 caracterízase tanto polo dinamismo do investimento como por unha nova ralentización do gasto en consumo final. O investimento medra un 4,2% respecto ao ano anterior, mentres que o gasto en consumo final o fai nun 2,1%, o que supón a taxa máis reducida dende a recuperación económica da crise orixinada pola covid. Esta ralentización ven motivada pola importante desaceleración do gasto público, cunha medra do 2,3%, tres puntos e medio menos que no ano precedente, o que contrasta co dinamismo do gasto privado, cun incremento do 2%, catro décimas máis que en 2024. No conxunto

PIB, achega da demanda interna e sector exterior 2008-25



(1) PIBpm; datos corregidos de efectos estacionais e de calendario (consulta: 27-02-2026)
 Fonte: IGE, Contas económicas trimestrais de Galicia.

1.2.1.

nente ao sector exterior, as importacións reducíronse un 0,3%, permanecendo estable o nivel das exportacións. Dende o punto de vista sectorial, o último ano caracterizouse polo significativo crecemento da construción, cun incremento do 7,3%, aumentando o sector primario e a industria manufacturera por riba do estimado na economía española (1,3% e 3,2%, respectivamente). O diferencial de crecemento coa economía española explícase fundamentalmente polo comportamento do sector servizos, que medra en Galicia un 2,7%, medio punto por baixo do estimado en España.

No concernente á distribución das rendas, o incremento do 5,7% do PIB nominal a prezos correntes tradúcese nunha medra do 5,1% na remuneración dos asalariados (RA) e do 5,6% no caso do Excedente bruto de explotación/Renda mixta bruta (EBE/RMB). Como consecuencia desta desigual intensidade de crecemento, a participación dos asalariados na renda descende no último ano ata o 44%, dúas décimas inferior ao estimado no mesmo período do ano anterior, en tanto que o peso relativo do EBE/RMB mantense no 46,2%. O peso relativo dos impostos netos sobre a produción e importacións sitúase no 9,8%, tres décimas máis que no ano precedente.

O dinamismo da actividade económica non se traslada na mesma intensidade ao mercado de traballo. Tras unha medra do PIB do 2,6% en 2025, as contas económicas reflicten que o número de postos de traballo equivalente a tempo completo e o número total de postos de traballo aumentan un 1% respecto ao ano anterior, o que supón seis e dúas décimas menos que o re-



PIB 2019-25: distribución segundo as súas compoñentes ⁽¹⁾

	2019	2020	2021	2022	2023	2024	2025	2025				
								I	II	III	IV	
	<i>(taxas de variación interanual)</i>											
Gasto en consumo final	-1,4	-7,7	6,1	3,8	4,2	2,7	2,1	1,6	2,7	2,1	1,8	
Gasto en consumo final dos fogares e ISFLSF	-2,4	-11,6	7,7	5,3	4,0	1,6	2,0	1,3	2,8	1,7	2,1	
Gasto en consumo final das AA.PP.	1,4	3,8	2,2	-0,1	4,9	5,8	2,3	2,6	2,4	3,1	1,2	
Formación bruta de capital fixo	1	-8,0	8,9	7,8	-0,8	1,3	4,2	2,8	6,6	4,3	3,2	
Demanda interna (2)	-1,1	-7,7	6,6	4,4	3,3	2,4	2,4	1,8	3,3	2,4	2,0	
Exportacións de bens e servizos	2	-2,7	3,0	6,0	0,7	3,1	0,0	1,2	-1,3	2,2	-2,0	
Importacións de bens e servizos	-2,2	-1,5	-0,3	5,8	2,2	2,5	-0,3	-0,8	-0,2	2,5	-2,8	
PIB a prezos de mercado	1,2	-8,4	8,4	4,7	2,4	2,8	2,6	2,9	2,7	2,2	2,4	
VEB. Ramas agraria e pesqueira	6,3	-12,5	2,9	-2,8	12,7	3,1	1,3	3,4	0,3	1,0	0,5	
VEB. Ramas industriais	-6,9	-13,0	16,7	-2,0	4,9	3,3	2,2	1,3	2,3	3,4	1,8	
VEB. Industria manufactureira	-1,2	-13,0	20,0	6,7	5,8	4,5	3,2	3,7	5,0	3,2	1,0	
VEB. Construción	1,8	-11,6	-4,8	7,9	3,4	4,8	7,3	6,0	7,0	8,3	8,0	
VEB. Ramas dos servizos	3,0	-6,0	8,3	7,3	0,9	2,8	2,7	3,3	2,9	1,9	2,6	
Impostos netos sobre os produtos	0,9	-11,6	8,6	-0,3	3,1	0,6	-0,4	0,8	-0,1	-1,2	-1,1	

(1) PIBpm (índices de volume encadenados); datos corrixidos de efectos estacionais e de calendario (consulta: 27-2-2026)

(2) Demanda interna en termos nacionais

Fonte: IGE, *Contas económicas trimestrais de Galicia*.

1.2.2.


xistrado en 2024. Fronte a esta desaceleración, o número de horas traballadas aumenta un 1%, porcentaxe similar ao estimado no ano anterior. O mercado de traballo en España presenta un maior dinamismo, ao medrar o número de postos de traballo equivalente a tempo completo un 3,2% e as horas traballadas, un 2,1%.

O conxunto do ano 2025 caracterizouse por unha lixeira moderación no ritmo de crecemento do índice xeral de prezos ao consumo (IPC) en Galicia ao presentar no mes de decembro unha medra interanual do 2,6%, unha décima menos que na mesma data do ano anterior; o que contrasta co acontecido na economía española, cunha medra do 2,9%, unha décima superior á do ano precedente. Ao mesmo tempo, cómpre mencionar que a inflación subxacente remata o ano cun crecemento do 2,1% en Galicia e 2,6% en España, en ambos os dous casos os valores máis elevados rexistrado ao longo de 2025. Asemade, a inflación subxacente sitúase por riba do IPC ao longo de todo o ano agás en abril e maio.

Análise do PIB

No devandito contexto económico internacional, altamente complexo e inestable, as economías galega e española manteñen un importante dinamismo. As Contas económicas trimestrais de Galicia reflicten que a actividade económica medrou un 2,6%, dúas décimas por baixo do estimado para o conxunto do Estado (2,8%). Este incremento interanual é novamente superior ao estimado para a economía europea, a zona euro e para os principais socios comerciais. Dunha banda, segundo as estimacións de Eurostat, o PIB medio anual aumentou na UE un 1,5% e na zona euro un 1,4%. Doutra, entre os principais socios comerciais de Galicia tan só Polonia pre-

PIB real en Galicia e España 2025. Indicadores de demanda. Taxas de variación interanual



(1) PIBpm (índices de volume encadeados; datos corrixidos de efectos estacionais e de calendario (consulta: 17-4-2026)
 Fonte: IGE, Contas económicas trimestrais de Galicia, e INE.

1.2.3.

senta un mellor comportamento, cunha medra interanual do 3,6%; Alemaña, tras dous anos cunha contracción da súa economía presenta en 2025 un incremento do 0,2%, situándose esta taxa de variación no 0,5% en Italia. O crecemento do PIB en Portugal situouse no 1,9%, por diante do 0,8% de Francia.

Tras vinte trimestres consecutivos con taxas positivas de crecemento, o PIB real en Galicia no cuarto trimestre do ano é un 12,9% superior ao nivel existente no mesmo período de 2019, porcentaxe que se sitúa tan só no 7,4% no conxunto da Unión Europea e no 6,4% no caso da zona euro. Este incremento é dun 10,7% no caso da economía española a pesar de que coa reactivación económica iniciada no segundo trimestre de 2021 España presenta taxas de variación interanual máis elevadas a partir do primeiro trimestre de 2022 (tan só no segundo semestre de 2023 a economía galega medra máis que a española).

• Agregados da demanda

A diferenza do que acontece en Europa e nas súas principais economías, Galicia caracterízase por unha achega positiva tanto da demanda interna como externa. O crecemento do 2,6% do PIB explícase por unha achega da demanda interna de 2,4 puntos fronte a tan só dúas décimas da demanda externa. Por contra, na economía española a demanda externa detrae oito décimas ao crecemento do PIB (cinco décimas na UE) en tanto que a demanda interna aporta 3,6 puntos (2,1 puntos na UE). Con todo, o cadro macroeconómico de Galicia amosa que no segundo e terceiro trimestre do ano a demanda externa detrae seis e dúas décimas ao crecemento agregado do PIB, respectivamente.



Consumo e investimento en Galicia e España 2019-25: principais indicadores

	Galicia				España			
	2019	2023	2024	2025	2019	2023	2024	2025
<i>(taxas de variación interanual)</i>								
Consumo								
Índice de vendas do comercio polo miúdo <i>(prezos correntes)</i>	1,8	6,5	3,4	3,6	2,5	9,4	3,8	4,7
Índice de vendas do comercio polo miúdo <i>(prezos constantes)</i>	1,9	0,1	1,8	3,2	2,4	2,4	2,2	4,1
Produción de bens de consumo	6,0	-3,2	5,7	4,5	1,5	-2,0	2,2	1,1
Produción de bens de consumo duradeiro	3,6	2,0	-0,4	-0,5	-1,1	-0,3	-0,7	0,0
Produción de bens de consumo non duradeiro	6,2	-3,6	6,2	4,9	1,7	-2,1	2,5	1,2
Importación de bens de consumo	16,5	-7,4	8,4	0,5	5,4	-5,6	4,1	7,6
Ocupación hoteleira	37,9	0,7	2,7	1,8	13,8	4,9	1,7	0,7
Gasto de Administracións Públicas	1,4	4,9	5,8	2,3	2,2	4,5	2,9	2,4
Investimento								
Produción de bens de equipo <i>(índice de produción industrial)</i>	5,4	4,5	0,5	3,3	2,5	4,3	-0,2	0,1
Importacións de bens de equipo	15,8	24,2	-11,7	4,6	3,9	5,5	0,9	9,4
Licitación pública								
Total	-11,9	17,2	-23,5	26,7	9,7	-2,9	10,3	12,2
Administración Xeral do Estado	-10,3	55,4	-43,7	21,4	17,4	24,8	-15,5	10,5
Administración autonómica	-9,6	11,9	-24,0	31,6	43,7	-16,3	11,7	15,5
Administracións local	-15,1	-18,9	20,5	27,0	-16,3	-12,2	38,3	11,0

Fonte: Elaboración propia CES-Galicia a partir de IGE, INE, ICEX e Seopan

■ 1.2.4.

No que respecta á demanda interna e os seus compoñentes, 2025 caracterízase tanto polo dinamismo do investimento como por unha nova ralentización do gasto en consumo final. Dunha banda, o investimento presenta unha medra interanual do 4,2%, case tres puntos por riba do experimentado no ano anterior (1,3%). Doutra, o gasto en consumo final increméntase un 2,1%, seis décimas menos que no ano precedente, e que supón a taxa máis reducida dende a recuperación da crise orixinada pola pandemia. Esta ralentización rexistrada no último ano ven motivada pola importante desaceleración do gasto público, cunha medra do 2,3%, tres puntos e medio menos que no ano precedente (5,8%), o que contrasta co dinamismo do gasto privado, cun incremento do 2%, catro décimas máis que en 2024.

En comparación coa evolución destes indicadores na economía española, o mellor comportamento da economía española explícase en maior medida pola evolución do consumo privado, que medra en España un 3,4% respecto ao ano anterior fronte ao devandito 2% en Galicia; así como polo comportamento do investimento, cun incremento do 5,8%, máis de punto e medio superior ao da economía galega. Asemade, o gasto público presenta unha taxa de crecemento do 2,4%, unha décima por riba do rexistrado en Galicia. No último ano, o gasto en consumo final medra en España un 3,1% fronte a un 2,1% na economía galega.

Entre os principais indicadores de consumo recollidos no **cadro 1.2.4.**, o índice de vendas do comercio polo miúdo (prezos constantes) presenta unha taxa de variación interanual do 3,2%, aumentando a produción de bens de consumo un 4,5% e a ocupación hoteleira un 1,8%. Asemade, o valor das importacións de bens de consumo en 2025 aumenta un 0,5%. Tan só a pro-

ducción de bens de consumo duradeiro presenta en Galicia unha caída respecto ao ano anterior (-0,5%), permanecendo constante en España.

En relación ao investimento, e en concreto ao investimento en bens de equipo, é dicir, os utilizados como medios de produción no proceso produtivo de bens e servizos, os datos de variación media anual do índice de produción industrial reflicten unha medra interanual do 3,3% no ano 2025 (0,5% no ano anterior), o que contrasta coa medra do 0,1% experimentada na economía española. Xunto a este dinamismo, a licitación pública total medra un 26,7% en Galicia tras a contracción do 23,5% experimentada no ano anterior, aumentando a licitación por parte da Administración Autonómica un 31,6%, a da Administración local un 27%, e a da Administración Xeral do Estado un 21,4%. Do mesmo xeito, as importacións de bens de equipo medran un 4,6% tras a redución do 11,7% experimentada no ano anterior, aumentando un 9,4% no conxunto do Estado.


No concernente aos compoñentes da demanda externa, cuxa achega ao crecemento agregado do PIB é de dúas décimas, as importacións reducíronse un 0,3% segundo o estimado nas contas económicas de Galicia, permanecendo estable o nivel de exportacións. No conxunto do Estado a taxa de crecemento das exportacións e das importacións (dato da Contabilidade Nacional Trimestral de España) ascende ata o 3,6% e 6,2%, respectivamente.

En termos monetarios, as vendas fóra de Galicia ascenden no último ano a 46.030,3 millóns de euros, en tanto que as importacións acadan un valor de 43.739,9 millóns. Deste xeito, a balanza comercial galega aumenta o seu saldo positivo ata os 2.291,4 millóns de euros, un 51,2% superior ao superávit rexistrado no ano anterior (776,1 millóns máis).

A información proporcionada pola Axencia Estatal da Administración Tributaria indica que o valor total das exportacións declaradas en 2025 ascendeu a 30.939,6 millóns de euros, o que supón unha redución do 0,3% respecto ao ano anterior. Esta evolución é resultado dun descenso do 1,8% das exportacións á Unión Europea, fronte a un incremento do 3,5% no caso das vendas ao resto de países. No último ano as vendas ao países comunitarios representan o 70,3% do valor total declarado das exportacións (21.743,1 millóns). Doutra banda, o valor total das importacións/introducións acadou os 21.364,4 millóns de euros, o que supón un 2,2% máis que no ano anterior, resultado dunha medra das compras na Unión Europea (5,1%) e, en menor medida, no resto de países (0,6%).

Analizando o comercio internacional en función do tipo de ben, o 59,1% do valor total das vendas galegas ao exterior no devandito período corresponde a bens de consumo fronte ao 30% dos bens intermedios e un 10,8% aos bens de capital. No conxunto do Estado predomina o comercio de bens intermedios, que concentra o 52,8% do valor das exportacións, seguido do 38,7% no caso dos bens de consumo. No que respecta ás importacións, tanto en Galicia como en España o destino máis importante é o dos bens intermedios, que representan o 58,4% do valor total das compras exteriores en Galicia fronte aos 35,1% das importacións de bens de consumo en Galicia (60,3% e 29,4% en España, respectivamente).

Produto Interior Bruto en Galicia e España 2025: distribución segundo principais compoñentes da oferta.
Taxas de variación interanual



(1) PIBpm (índices de volume encadeados); datos corrixidos de efectos estacionais e de calendario (consulta: 17-4-2026)
 Fonte: IGE, Contas económicas trimestrais de Galicia, e INE.

1.2.5.

• Agregados da oferta

Por segundo ano consecutivo, todas as ramas de actividade presentan taxas de crecemento interanuais positivas, salientando o forte dinamismo do sector da construción. O devandito diferencial de crecemento coa economía española explícase fundamentalmente polo mellor comportamento do sector servizos, presentando o sector primario e a construción en Galicia unha medra superior.

Dunha banda, o sector da construción presenta as taxas de crecemento máis elevadas, cunha medra interanual do 7,3%, dous puntos e medio máis que no ano precedente (4,8%), situándose esta porcentaxe no 5,6% no conxunto do Estado. Atendendo á súa evolución ao longo do ano cómpre resaltar a medra interanual superior ao 8% no segundo semestre do ano (6,7% de medra en España).

O sector servizos presenta unha taxa de variación interanual do 2,7% en Galicia, medio punto inferior á rexistrada en España, cando no ano anterior o fixera nun 2,8%. Este diferencial de crecemento é especialmente significativo no caso do comercio, transporte e hostalería, que na economía galega medra un 2,1% respecto ao ano anterior, lonxe do 4,4% estimado para a economía española. Asemade, cómpre mencionar o dinamismo do subsector de actividades profesionais, vinculadas directamente á industria manufacturadora, que presentan un crecemento do 4,3%, fronte ao 5,7% en España.

No que ao ámbito industrial se refire, a actividade manufactureira presenta no segundo semestre do ano unha importante ralentización, rexistrando no derradeiro trimestre unha medra interanual do 0,8%, o que supón a taxa máis reducida dende a saída da crise orixinada pola covid. No conxunto do ano 2025 o subsector manufactureiro medrou en Galicia un 3,2% respecto ao ano anterior, porcentaxe que se sitúa no 2% na economía española. A pesar deste mellor comportamento da actividade manufactureira, o conxunto do sector industrial, incluídas as actividades extractivas e enerxéticas, rexistra unha medra interanual do 2,2%, unha décima por baixo do estimado na economía española.

No concernente ao sector primario, a actividade económica medra un 1,3% respecto ao ano anterior, case dous puntos por baixo do estimado para 2024 (3,1%), situándose esta porcentaxe no 1,2% no conxunto de España. Asemade, cómpre mencionar o comportamento positivo ao longo de todo o ano, o que contrasta coa evolución experimentada polo sector en España, onde só medra no 1º trimestre.


Tomando como referencia o ano 2019, todos os sectores presentan en 2025 un nivel de actividade económica superior á existente antes da crise económica orixinada pola covid. Dunha banda, a actividade do sector terciario en termos reais é un 16,2% superior á estimada no conxunto do ano 2019 fronte ao 10,1% na industria. O VEB xerado polo sector da construción é un 5,5% superior; e un 3,1% no caso do sector primario. Atendendo ás ramas de actividade cómpre mencionar que as actividades de comercio, transporte e hostalería, a pesar da forte contracción estimada en 2020 (-18,7%), superan o nivel precrise nun 13,1%, e as actividades profesionais, un 29,6%. Asemade, o VEB xerado pola industria manufactureira (contráese un 13% en 2020) atópase un 27% por riba do nivel de 2019.

No concernente á estrutura produtiva da economía galega, **gráfico 1.2.6.**, os datos correspondentes ao ano 2025 reflicten o lixeiro descenso do peso relativo do valor engadido bruto xerado en Galicia polo sector servizos, que concentra o 70,3% do VEB, tres décimas menos que no ano anterior. Entre estas actividades, o comercio, transporte e hostalería, representa o 21,9% do total, unha décima menos que no ano anterior; seguido cun 18,5% do total pola administración pública, sanidade e educación (18,6% en 2024). O subsector da industria manufactureira aporta o 13,1% do VEB galego, unha décima menos que no ano precedente; en tanto que a importancia relativa da construción e o sector primario sitúase no 7,4% e 5%, respectivamente, cando en 2024 representaban o 7,1% e 5,1%.

Se se compara a estrutura produtiva da economía galega no ano 2019 coa existente en 2025, tan só o sector servizos presenta un peso relativo superior ao existente antes da crise orixinada pola pandemia. En concreto, a súa importancia relativa aumenta sete décimas, pasando do 69,6% aos devanditos 70,3% de 2025. Por contra, a importancia relativa do sector da construción redúcese en catro décimas entre os dous anos considerados (7,8% en 2019), fronte a dúas décimas no caso do sector primario (5,3% en 2019), e unha na industria (17,3%). O devandito **cadro 1.2.6.** amosa a evolución heteroxénea entre as distintas ramas de actividade, destacando a medra de sete décimas no caso das actividades financeiras e de seguros; de cinco no das actividades inmobiliarias; así como en tres décimas da industria manufactureira. No extremo

Estrutura produtiva de Galicia 2019-2025

(% do VEB)



Fonte: IGE, Contas económicas trimestrais de Galicia.

1.2.6.


oposto, redúcese o peso relativo das actividades artísticas e recreativas en cinco décimas e en tres as da administración pública, sanidade e educación.

• Distribución da renda

A devandita evolución no ritmo de crecemento da economía galega tradúcese nunha mellora da Remuneración de asalariados (RA) e do Excedente bruto de explotación/Renda mixta bruta (EBE/RMB), se ben cunha intensidade desigual. As Contas trimestrais de Galicia amosan que o incremento do 5,7% do PIB nominal a prezos correntes en 2025 reflíctese nunha medra do 5,1% na remuneración dos asalariados e do 5,6% no EBE/RMB. Como consecuencia deste comportamento da RA, a súa participación na renda descende no último ano ata o 44%, dúas décimas inferior á do ano anterior, en tanto que o peso relativo do EBE/RMB mantense no 46,2%. Dende o ano 2021 o peso relativo da RA no PIB é inferior ao do EBE/RMB ao igual que acontecera no período 2015-2018.

Evolución da asignación funcional da renda (1)

	Remuneración dos asalariados (2)	Excedente de explotación bruto /Renda mixta bruta (3)	Impostos netos sobre produción e importacións	PIB a prezos de mercado
(en millóns de euros)				
2008	27.042.415,0	26.412.009,0	4.748.818,0	58.203.242,0
2009	26.961.943,0	24.461.532,0	4.629.781,0	56.053.256,0
2010	26.419.431,0	24.525.193,0	5.162.790,0	56.107.414,0
2011	26.006.560,0	23.668.539,0	5.007.191,0	54.682.290,0
2012	24.302.077,0	23.131.013,0	5.134.752,0	52.567.842,0
2013	24.032.750,0	23.052.484,0	5.307.353,0	52.392.587,0
2014	23.818.603,0	23.723.544,0	5.432.516,0	52.974.663,0
2015	24.450.581,0	24.473.661,0	5.729.672,0	54.653.914,0
2016	24.991.831,0	25.891.539,0	5.776.680,0	56.660.050,0
2017	25.753.736,0	26.798.671,0	5.995.074,0	58.547.481,0
2018	27.007.348,0	28.114.582,0	6.285.094,0	61.407.024,0
2019	28.629.269,0	28.072.307,0	6.278.890,0	62.980.466,0
2020	27.667.818,0	25.298.865,0	5.094.543,0	58.061.226,0
2021	29.294.666,0	29.306.109,0	6.150.957,0	64.751.732,0
2022	31.614.435,0	33.473.332,0	6.308.675,0	71.396.442,0
2023	33.901.648,0	36.087.096,0	7.019.721,0	77.008.465,0
2024	35.978.719,0	37.639.795,0	7.770.609,0	81.389.123,0
2025	37.809.028,0	39.757.603,0	8.434.298,0	86.000.929,0



(1) PIBpm (prezos correntes); datos corrixidos de efectos estacionais e de calendario.

(2) Remuneración de asalariados: remuneración en efectivo e en especie a pagar polos empregadores aos seus asalariados como contrapartida do traballo realizado por estes durante o período contable. A remuneración de asalariados desagregase en: soldos e salarios e cotizacións sociais a cargo dos empregadores.

(3) Excedente de explotación bruto/Renda mixta bruta: corresponde á renda que obteñen as unidades da utilización dos seus propios activos de produción. No caso das empresas non constituídas en sociedades correspondentes ao sector fogares fábase de renda mixta. Este agregado contén un elemento que corresponde á remuneración do traballo realizado polo propietario ou por membros da súa familia e que non pode distinguirse dos seus beneficios como empresario.

Fonte: IGE, Contas económicas trimestrais de Galicia.

1.2.7.



Tendo en conta o devandito incremento da masa salarial en Galicia e que o emprego asalariado equivalente a tempo completo medra en 2025 un 1,6% (ascende a 931.291 persoas), a remuneración por posto de traballo equivalente a tempo completo asalariado aumenta un 3,4% ao igual que no caso dos postos de traballo asalariado. No concernente ás horas traballadas, tras unha medra do 1,6% respecto ao ano anterior, a remuneración por hora traballada asalariada medra un 3,6%.

Mercado de traballo



O devandito dinamismo da actividade económica non se traslada ao mercado de traballo na mesma intensidade. Dunha banda, as contas económicas de Galicia reflicten unha ralentización da creación de emprego tanto en termos do número total de postos de traballo equivalentes a tempo completo como do número total de postos de traballo, cunha medra do 1% respecto ao ano anterior, seis e dúas décimas menos que no ano precedente. Fronte á devandita ralentización, o número de horas traballadas mantén un crecemento interanual do 1% en 2024 e 2025. O mercado de traballo en España presenta un maior dinamismo, mantendo taxas de crecemento superiores ás de Galicia; en concreto, o número de postos de traballo equivalente a tempo completo medra un 3,1%, tres décimas superior á de 2024; o que contrasta coa lixeira ralentización da creación de emprego en termos de horas traballadas, cunha medra do 2,1%, unha décima menos que no ano anterior (2,2%).

Vinculado ao mercado de traballo, cómpre facer referencia aos indicadores da produtividade aparente real e ao custo laboral unitario real (CLUR), recollidos nas contas económicas trimestrais de Galicia nos denominados indicadores derivados. Dunha banda, a produtividade aparente obtense como o cociente entre o PIB e a ocupación, medida ben mediante o número de postos de traballo ben o número de horas traballadas. Doutra banda, o CLUR compara a remuneración por asalariado coa produtividade do traballo e dos prezos, e calcúlase dividindo a remuneración por asalariado entre a produtividade aparente nominal.

No concernente á produtividade aparente do factor traballo, os datos recollidos nas contas trimestrais reflicten que a produtividade aparente real en termos de postos de traballo equivalente a tempo completo medra un 1,5% respecto ao ano anterior, o que supón tres décimas menos que no ano precedente. Por contra, a produtividade aparente medida en termos de hora traballada medra un 1,6% fronte ao 1,9% estimado en 2024. En termos nominais, a produtividade aparente presenta unha medra do 4,6% en termos de postos de traballo equivalentes a tempo completo, seis décimas superior á estimada no ano anterior, manténdose o incremento do 4,7% se se mide en relación ao número de horas.

Finalmente, no que atinxe ao custo laboral unitario real (CLUR), expresado pola porcentaxe do produto por asalariado (produtividade aparente) que se dedica a retribuír o traballo (remuneración media por asalariado), o **cadro 1.2.8.** reflicte que en 2025, a diferenza do acontecido no ano precedente, descende o CLUR en Galicia nos tres indicadores considerados.

Evolución do custo laboral unitario real (CLUR)



Nota: Ano 2025 media dos tres primeiros trimestres
Fonte: IGE, Contas económicas trimestrais de Galicia.

1.2.8.

Os datos recollidos nas Contas económicas trimestrais reflicten que no ano 2025 o CLUR por hora traballada e por posto de traballo descende un 1,2% e 1,3% respectivamente en relación ao mesmo período do ano anterior, sendo esta porcentaxe do 1,1% no caso do custo por posto de traballo equivalente a tempo completo. No ano anterior o CLUR presentaba unha redución do 0,1% no caso dos postos de traballo equivalente, e do 0,2% no das horas traballadas,, manténdose estable en termos de postos de traballo.



Inflación e prezos

O índice xeral de prezos ao consumo (IPC) rexistrou en decembro de 2025 unha medra interanual do 2,6%, unha décima inferior á rexistrada na mesma data do ano precedente (en 2021 e 2022 a taxa de variación interanual ascendía a 6,7% e 6,4%, respectivamente). A diferenza do que acontece en Galicia, no conxunto do Estado o IPC presenta no mes de decembro unha medra interanual do 2,9%, unha décima superior á do ano anterior. Se se considera o IPC harmonizado (IPCH), que permite realizar comparacións internacionais, os datos publicados por Eurostat reflicten que a inflación en España mantense por riba da estimada no conxunto dos países da zona euro. En decembro de 2025 o IPCH situábase en España no 3%, fronte ao 2% na zona euro; con todo, mentres que en España a inflación en 2024 era do 2,8%, na zona euro móderase o incremento dos prezos, que se situaba no 2,4%, catro décimas por riba do estimado en 2025.

No concernente á súa distribución provincial, as catro provincias presentan no mes de decembro un incremento do IPC inferior ao rexistrado no conxunto de España. Lugo e Ourense rexistran o crecemento máis acusado, cun 2,7%; fronte ao 2,5% en Pontevedra e A Coruña.

Ao longo de todo o ano o IPC en Galicia sitúase por baixo do rexistrado no conxunto de España, presentando o diferencial máis acusado nos meses de marzo, xullo e outubro (catro décimas) e o máis reducido en setembro, con tan só unha décima. Como amosa o **gráfico 1.2.9.**, o IPC acada en Galicia o seu nivel máis elevado, cunha medra do 2,9%, rexistrando o nivel máis elevado en España no mes de outubro, cun incremento do 3,1%. Por contra, o incremento de prezos máis reducido é en maio, cun 1,7% e 2%, respectivamente.


Tal como se observa no **cadro 1.2.10.**, todos os grupos considerados presentan taxas de crecemento positivas tanto en Galicia como en España, rexistrando os incrementos máis acusados no grupo de seguros e servizos financeiros, cunha medra do 5,2% en Galicia; vivenda, auga, electricidade, gas e outros combustibles, cun 4,9%; e as actividades de restaurantes e servizos de aloxamento, cun 4,2%. Comparado co ano anterior, a devandita ralentización do IPC ven explicada en boa medida polo menor crecemento dos prezos relacionados coa vivenda, auga, electricidade, gas e outros combustibles, que medra en 2024 un 7,2% fronte aos devanditos 4,9% do último ano. Por contra, cómpre mencionar o incremento do 3,2% no caso dos alimentos e bebidas non alcohólicas, cando na mesma data do ano anterior esta medra era do 1,4%.

Atendendo á súa distribución segundo rúbricas, en Galicia os maiores incrementos interanuais están vinculados coa alimentación. Dunha banda, os ovos e a carne de vacún presentan unha medra do 33,2% e 26%, respectivamente (1,5% e 7,6% en decembro de 2024), situándose no 15% no caso do café, cacao e infusións. Doutra banda, a rúbrica da “calefacción, iluminación e distribución de auga” presenta unha medra do 7,7% respecto ao ano anterior fronte ao 12,5% rexistrado en 2024. No extremo oposto, os descensos máis acusados rexístranse novamente no caso dos aceites e graxas e do sucre, cunha redución do 26,5% e 8,4%, respectivamente (-10,4% e -19,2% no ano precedente).


IPC en Galicia e España 2023-25

(taxas de variación interanual)

Galicia



España



Nota: base 2025

Fonte: INE, Índice de precios de consumo

1.2.9.



IPC en Galicia e España 2024-25: distribución segundo grupos

	2025		2024	
	Galicia	España	Galicia	España
	<i>(taxa de variación anual mes de decembro - base 2025)</i>			
Xeral	2,6	2,9	2,7	2,8
Alimentos e bebidas non alcohólicas	3,2	3,0	1,4	1,8
Bebidas alcohólicas e tabaco	3,8	4,4	4,6	5,0
Vestido e calzado	0,2	0,2	0,5	0,5
Vivenda, auga electricidade, gas e outros	4,9	5,7	7,2	7,4
Enxoval	0,4	0,7	1,2	0,6
Sanidade	2,1	2,3	2,3	1,9
Transporte	1,2	1,8	1,1	0,6
Información e comunicacións	0,6	0,5	-0,3	-0,3
Ocio e cultura	1,3	1,0	3,7	3,9
Ensino	2,8	2,6	2,7	2,5
Restaurantes e servizos de aloxamento	4,2	4,6	4,3	4,1
Seguros e servizos financeiros	5,2	4,7	5,3	4,9
Coidado persoal, protección social e outros	2,0	2,9	2,7	2,9

Fonte: INE, Índice de precios de consumo

1.2.10.

Índice de prezos industriais nas CC.AA. 2025 ⁽¹⁾: distribución segundo destino económico dos bens

	Índice xeral	Bens de consumo	Bens de consumo duradeiro	Bens de consumo non duradeiro	Bens de equipo	Bens intermedios	Enerxía	Industria sen enerxía
	<i>(variación anual)</i>							
Andalucía	-4,5	-2,5	4,2	-2,8	3,9	0,2	-9,0	-0,9
Aragón	-2,4	-0,6	2,0	-1,3	1,4	-0,1	-12,3	0,2
Asturias	-9,8	4,0	1,1	4,0	2,7	0,7	-19,5	1,8
Baleares	-9,8	4,3	5,0	4,2	0,9	1,4	-16,2	2,0
Canarias	-10,6	3,1	2,5	3,1	2,3	0,6	-16,8	2,4
Cantabria	-2,1	0,4	-19,1	1,2	0,9	-0,3	-9,7	0,1
Castela e León	-1,2	3,0	0,4	3,1	1,4	-1,6	-11,9	0,7
Castela-A Mancha	-2,7	-0,3	2,5	-0,4	1,1	-1,7	-7,7	-0,6
Cataluña	-1,4	1,5	1,1	1,5	1,7	-0,8	-9,6	0,7
C. Valenciana	-1,7	3,1	2,6	3,1	1,1	0,1	-11,3	1,3
Extremadura	-1,7	-0,4	-1,6	-0,3	3,9	0,3	-8,6	0,2
Galicia	-1,8	2,5	-0,5	2,7	2,1	1,4	-11,2	2,1
Madrid	-5,2	2,2	1,6	2,2	1,6	3,7	-10,6	2,5
Murcia	-2,2	0,1	0,6	0,0	3,9	0,6	-5,2	0,5
Navarra	-2,2	2,3	-2,8	2,6	2,4	-2,6	-16,4	0,7
País Vasco	-2,5	1,1	0,3	1,2	2,9	0,9	-12,1	1,5
A Rioxa	-2,2	4,3	1,1	4,5	3,0	-2,2	-17,5	2,2
Total	-3,0	1,2	1,5	1,1	2,0	-0,1	-10,8	0,8

(1) datos no mes de decembro. Base 2021.

Fonte: INE, Índice de precios industriales

1.2.11.

No concernente á inflación subxacente, aquela que non considera os alimentos non elaborados nin os produtos enerxéticos, tanto Galicia como España presentan o incremento máis acusado en decembro, cunha medra do 2,1% e 2,6%, respectivamente (**gráfico 1.2.9.**).

Os datos das contas económicas trimestrais reflicten que o deflactor do PIB, que permitiría analizar a inflación que responde ao incremento dos prezos de bens e servizos producidos en Galicia, presenta un incremento interanual do 3% en 2025, dúas décimas superior ao estimado no ano precedente (5,4% en 2023). Atendendo á súa evolución ao longo do ano, cómpre resaltar que o incremento máis elevado prodúcese no derradeiro trimestre do ano, cun 3,6%, e o máis reducido no terceiro trimestre, cunha medra interanual do 2,7%.

Finalmente, en relación á evolución dos prezos industriais, **cadro 1.2.11.**, tras o incremento do 2,5% experimentado en 2024 (descendera un 5,9% en 2023), o índice xeral de prezos industriais (IPRI) descende en Galicia un 1,8% rexistrándose unha caída do 3% no conxunto do Estado. Atendendo á súa desagregación segundo destino económico, fronte ao descenso do 11,2% no caso dos bens enerxéticos (10,8% en España), os prezos industriais sen considerar a enerxía aumentan un 2,1%. O prezo dos bens intermedios medran un 1,4% e os bens de equipo un 2,1%. Asemade, fronte ao incremento do 2,5% dos bens de consumo no seu conxunto, o dos bens de consumo duradeiro presentan un descenso do 0,5% respecto á mesma data do ano precedente.

Marco orzamentario

Os orzamentos públicos determinan o peso do sector público na economía e un dos indicadores para analizar este peso é o cociente entre o gasto público non financeiro e o Produto Interior Bruto (PIB). Os datos dos orzamentos de 2025 e o avance do PIB proporcionados polas contas económicas amosan que dita rateo presenta un valor agregado do 14% para o conxunto das CC.AA. españolas, e que Galicia se sitúa por riba do promedio sinalado cun 16,2%.

No devandito contexto macroeconómico analizado no capítulo 1.1., caracterizado pola súa complexidade e incerteza, a Lei 4/2025, do 23 de decembro, aproba os orzamentos xerais da Comunidade Autónoma de Galicia para o ano 2026. Previamente, no mes de agosto, e unha vez determinado o obxectivo de estabilidade orzamentaria da Comunidade Autónoma, o Consello da Xunta de Galicia acordou o límite máximo de gasto non financeiro dos orzamentos xerais da Comunidade Autónoma para o devandito exercicio, que ascende a 14.177 millóns de euros, un 1,6% máis que no exercicio anterior.

O texto refundido da Lei de Réxime Financeiro e Orzamentario de Galicia establece que os orzamentos xerais da Comunidade Autónoma teñen que presentarse e aprobarse en equilibrio. Os pasos dados ata chegar a esa situación de equilibrio póñense de manifesto mediante a interrelación das grandes magnitudes orzamentarias analizadas na conta financeira, que a través de diversos saldos como son o aforro corrente, formación de capital, capacidade ou necesidade de financiamento e o endebedamento neto, facilitan unha información precisa sobre o alcance e composición dos orzamentos. Para o exercicio 2026 o orzamento total consolidado da C.A. ascende a 16.343,5 millóns de euros, o que supón unha medra do 3,8% respecto ao exercicio precedente.

Orzamentos da C.A. 2025-26: conta financeira homoxeneizada (1)

	2026		2025		26/25	
	(en miles de €)	(%)	(en miles de €)	(%)	(en miles de €)	(%)
Operacións correntes						
Ingresos	13.490.095	82,5	12.742.627	81,0	747.468	5,9
Impostos directos	4.553.428	27,9	4.072.768	25,9	480.660	11,8
Impostos indirectos	4.372.321	26,8	3.931.866	25,0	440.455	11,2
Taxas, prezos públicos e outros ingresos	179.550	1,1	190.031	1,2	-10.481	-5,5
Transferencias correntes	4.363.863	26,7	4.511.795	28,7	-147.932	-3,3
Ingresos patrimoniais	20.934	0,1	36.167	0,2	-15.233	-42,1
Gastos	11.420.125	69,9	10.959.448	69,6	460.677	4,2
Gastos de persoal	5.288.781	32,4	5.147.121	32,7	141.660	2,8
Gastos correntes de bens e servizos	2.422.382	14,8	2.320.587	14,7	101.795	4,4
Gastos financeiros	215.107	1,3	214.277	1,4	830	0,4
Transferencias correntes	3.493.855	21,4	3.277.464	20,8	216.391	6,6
Aforro bruto	2.069.970		1.783.179		286.791	16,1
Operacións de capital						
Ingresos	1.024.269	6,3	1.282.030	8,1	-257.761	-20,1
Alleamento de investimentos reais	2.411	0,0	7.306	0,0	-4.895	-67,0
Transferencias de capital	1.021.858	6,3	1.274.724	8,1	-252.866	-19,8
Gastos	2.802.699	17,1	2.977.613	18,9	-174.914	-5,9
Investimentos reais	1.594.138	9,8	1.684.114	10,7	-89.976	-5,3
Transferencias de capital	1.208.561	7,4	1.293.500	8,2	-84.939	-6,6
Formación de capital	1.778.429	10,9	1.695.583	10,8	82.846	4,9
Fondo de continxencia	16.839	0,1	16.839	0,1	0	0,0
Necesidade de Financiamento	274.701		70.757		203.944	288,2
Operacións financeiras						
Atencións	2.103.825	12,9	1.786.640	11,4	317.185	17,8
Activos financeiros	455.387	2,8	231.988	1,5	223.399	96,3
Pasivos financeiros	1.648.438	10,1	1.554.652	9,9	93.786	6,0
Recursos	1.829.124	11,2	1.715.883	10,9	113.241	6,6
Activos financeiros	100.546	0,6	100.547	0,6	-1	-0,0
Endebemento bruto	1.728.578	10,6	1.615.336	10,3	113.242	7,0
Necesidade de Financiamento	274.701	1,7	70.757	0,4	203.944	288,2
Orzamento consolidado	16.343.489		15.740.540		602.949	3,8

(1) Orzamentos 2026

Fonte: Consellería de Facenda e Administración Pública, *Orzamentos*

1.2.12.

A conta financeira dos orzamentos, **cadro 1.2.12.**, reflicte que o aforro por operacións correntes aumenta ata os 2.070 millóns de euros (16,1%), motivado por unha medra dos ingresos correntes superior á dos gastos (5,9% e 4,2%, respectivamente). Os ingresos por operacións de capital reducen a súa contía un 20,1% para situarse nos 1.024,3 millóns. O gasto de capital dos capítulos VI e VII ascende a 2.802,7 millóns de euros, reducíndose nun 5,9% respecto aos orzamentos do exercicio precedente principalmente pola redución dos fondos do Mecanismo de Recuperación e Resiliencia, xa que o verán de 2026 é o límite máximo para finalizar a execución. Fi-

Clasificación económica do gasto nos orzamentos iniciais da Xunta de Galicia 2008-2026

	2008	2013	2019	2022	2023	2024	2025	2026
	(% sobre gastos)							
Gastos de persoal	17,7	19,9	18,2	17,7	17,4	17,4	17,2	17,0
Gastos en bens correntes e servizos	4,2	5,3	4,8	4,7	4,7	4,9	4,7	4,6
Gastos financeiros	1,3	3,3	1,5	0,6	0,8	1,3	1,4	1,3
Transferencias correntes	49,2	47,0	46,2	46,1	46,5	47,0	46,6	47,0
Operacións correntes	72,5	75,6	70,6	69,1	69,4	70,5	69,8	70,0
Investimentos reais	9,8	2,8	3,1	4,3	4,4	4,2	4,2	3,8
Transferencias de capital	12,5	11,7	12,0	15,7	15,8	15,2	15,0	14,0
Operacións de capital	22,3	14,4	15,1	20,0	20,2	19,4	19,2	17,7

Fonte: Elaboración propia a partir de datos do IGE

■ 1.2.13.

nánciase, en parte, cos ingresos por operacións de capital, polo que o saldo resultante determina unha formación de capital de 1.778,4 millóns de euros, que financiada co aforro por operacións correntes e xunto co fondo de continxencia, determina unha capacidade de financiamento de 274,7 millóns de euros, aumentando en 203,9 millóns respecto ao ano anterior.

O endebedamento neto, obtido como diferenza entre os capítulos IX de ingresos e gastos, alcanza os 80,1 millóns de euros. Este endebedamento neto financia unha parte dos activos financeiros, que alcanza os 354,8 millóns de euros.

A clasificación económica do orzamento mostra un peso moi diferente dos capítulos de gasto. Os orzamentos iniciais da Xunta de Galicia para o exercicio 2026 destinan o 69,9% dos recursos a gasto de operacións correntes, entre os que os gasto de persoal concentran o 46,3% destes gastos (5.288,8 millóns de euros), e as transferencias correntes un 30,6% (3.493,9 millóns).

A distribución funcional do gasto (**cadro 1.2.14.**) mostra como o 56,4% dos recursos orzamentarios destínanse á produción de bens públicos de carácter social, que incrementan a súa dotación en relación ao orzamento do ano anterior nun 3,5%. Aínda que en termos absolutos son os citados bens de carácter social os que rexistran un maior incremento (310,1 millóns de euros máis), en termos relativos cómpre mencionar o incremento do 5,4% da débeda pública (95,1 millóns de euros máis), que ascende a 1.858,6 millóns de euros, o que representa o 11,4% do orzamento consolidado. Xunto a isto, salienta o incremento do 120,4% no caso da regulación económica de carácter xeral (166,9 millóns máis). Os recursos destinados á produción de bens públicos de carácter económico ascenden a 1.305,7 millóns de euros, o 8% do orzamento, e os dedicados á regulación económica de sectores produtivos e desenvolvemento empresarial aumentan a súa dotación a 1.091,1 millóns, o 6,7 % do total, o que supón unha redución respecto ao exercicio anterior do 1,4% (18,9 millóns de euros) e 5,2% (60,2 millóns), respectivamente.



Orzamento consolidado de gastos da C.A. 2025-26: Distribución Funcional ⁽¹⁾

Funcións	2026		2025		26/25
	(en miles de euros)	(% / total)	(en miles de euros)	(% / total)	(%)
1 Actuacións de carácter xeral	388.306	2,4	376.411	2,4	3,2
11 Alta dirección da Com. Autónoma	51.410	0,3	49.645	0,3	3,6
12 Administración Xeral	97.351	0,6	97.222	0,6	0,1
13 Xustiza	197.391	1,2	192.888	1,2	2,3
14 Administración local	26.546	0,2	22.692	0,1	17,0
15 Normalización lingüística	13.008	0,1	11.964	0,1	8,7
16 Procesos electorais e órganos de repres. Política	2.600	0,0	2.000	0,0	30,0
2 Protección civil e seguraza cidadá	42.964	0,3	40.277	0,3	6,7
21 Protección civil e seguridade	42.964	0,3	40.277	0,3	6,7
3 Protección e promoción social	1.927.971	11,8	1.862.239	11,8	3,5
31 Acción social el promoción social	1.473.389	9,0	1.406.142	8,9	4,8
32 Promoción do emprego e institucións do mercado de traballo	444.234	2,7	446.233	2,8	-0,4
33 Cooperación exterior e ao desenvolvemento	10.348	0,1	9.864	0,1	4,9
4 Producción de bens públicos de carácter social	9.222.975	56,4	8.912.894	56,6	3,5
41 Sanidade	5.640.613	34,5	5.434.958	34,5	3,8
42 Educación	3.020.051	18,5	2.971.672	18,9	1,6
43 Cultura	110.204	0,7	110.006	0,7	0,2
44 Deportes	41.807	0,3	39.145	0,2	6,8
45 Vivenda	269.623	1,6	221.301	1,4	21,8
46 Outros servizos comunit. e sociais	140.676	0,9	135.813	0,9	3,6
5 Producción de bens públ. de carácter económico	1.305.698	8,0	1.324.624	8,4	-1,4
51 Infraestruturas	341.215	2,1	362.377	2,3	-5,8
52 Ordenación do territorio	19.810	0,1	20.007	0,1	-1,0
53 Promoción do solo para actividades económicas	10.521	0,1	11.161	0,1	-5,7
54 Actuacións ambientais	204.319	1,3	222.268	1,4	-8,1
55 Actuacións e valoración do medio rural	250.929	1,5	207.500	1,3	20,9
56 Investigación, desenvolvemento e innovación	341.512	2,1	343.736	2,2	-0,6
57 Sociedade da información e do coñecemento	131.796	0,8	151.949	1,0	-13,3
58 Información estatística básica	5.594	0,0	5.625	0,0	-0,6
6 Regulación económica de carácter xeral	305.598	1,9	138.671	0,9	120,4
61 Actuacións económicas xerais	35.778	0,2	33.458	0,2	6,9
62 Actividades financeiras	269.820	1,7	105.214	0,7	156,4
7 Regulación económica de sectores produtivos e dto. empresarial	1.091.077	6,7	1.151.246	7,3	-5,2
71 Dinamización económica do medio rural	408.748	2,5	440.025	2,8	-7,1
72 Pesca	150.154	0,9	143.819	0,9	4,4
73 Industria, enerxía e minaría	102.604	0,6	125.543	0,8	-18,3
74 Desenvolvemento empresarial	280.939	1,7	273.782	1,7	2,6
75 Comercio	22.712	0,1	21.728	0,1	4,5
76 Turismo	125.920	0,8	146.349	0,9	-14,0
8 Transferencias a entidades locais	200.314	1,2	170.688	1,1	17,4
81 Transferencias a entidades locais	200.314	1,2	170.688	1,1	17,4
9 Débeda pública	1.858.585	11,4	1.763.490	11,2	5,4
91 Débeda pública	1.858.585	11,4	1.763.490	11,2	5,4
Total	16.343.489	100	15.740.540	100	3,8

(1) Orzamentos 2026

Fonte: Consellería de Facenda e Administración Pública, Orzamentos

■ 1.2.14.

Servizos públicos fundamentais nos proxectos orzamentarios das CC.AA. 2026: distribución funcional

	Sanidade			Educación			Seguridade e protección social			Débeda pública			Resto de funcións ou políticas		
	2026	26/25		2026	26/25		2026	26/25		2026	26/25		2026	26/25	
	(en miles de €)	(%/total)	(%)	(en miles de €)	(%/total)	(%)	(en miles de €)	(%/total)	(%)	(en miles de €)	(%/total)	(%)	(en miles de €)	(%/total)	(%)
Andalucía	15.989.267,9	34,4	6,0	10.619.344,8	22,9	3,5	3.802.248,1	8,2	9,5	4.415.015,7	9,5	2,8	11.646.000,9	25,1	7,6
Aragón	2.749.522,2	34,0	0,0	1.520.198,9	18,8	0,0	523.735,2	6,5	1,5	1.232.560,6	15,2	0,0	2.069.102,2	25,6	-0,4
Asturias	2.567.376,9	37,1	4,5	1.178.921,6	17,0	7,8	680.028,6	9,8	2,2	687.792,4	9,9	4,8	1.809.172,4	26,1	4,9
Baleares	2.446.679,4	32,8	-1,0	1.400.219,4	18,7	-1,4	362.820,5	4,9	-0,5	917.762,2	12,3	-5,5	2.341.658,8	31,4	4,4
Canarias	4.818.072,1	36,6	5,2	2.609.278,4	19,8	7,0	856.158,3	6,5	8,3	750.992,5	5,7	-0,7	4.121.287,9	31,3	9,1
Cantabria	1.217.913,5	32,4	0,0	725.151,0	19,3	0,0	324.744,3	8,6	0,0	461.396,3	12,3	0,0	1.026.456,5	27,3	0,0
Castela e León	4.812.765,0	35,7	0,0	2.688.649,0	19,9	0,0	1.204.387,4	8,9	0,0	1.784.472,3	13,2	0,0	2.990.591,4	22,2	0,0
Castela-A Mancha	4.058.055,3	33,7	7,5	2.420.344,6	20,1	4,1	1.001.586,3	8,3	4,9	1.816.444,7	15,1	-18,8	2.753.330,4	22,8	7,2
Cataluña	11.348.133,1	24,7	-0,8	8.000.158,4	17,4	-1,4	3.311.327,4	7,2	-0,7	11.396.774,6	24,8	0,0	11.905.115,3	25,9	2,0
Extremadura	2.494.543,3	32,8	6,5	1.532.591,2	20,2	5,5	725.678,3	9,5	3,5	731.379,1	9,6	-6,8	2.114.653,1	27,8	-3,8
Galicia	5.640.612,8	34,5	3,8	3.011.959,7	18,4	1,6	1.465.357,2	9,0	4,8	1.858.585,4	11,4	5,4	4.353.907,7	26,7	4,5
Madrid	10.988.599,5	33,0	5,2	6.784.067,9	20,4	3,9	2.904.949,1	8,7	7,8	3.802.922,9	11,4	-3,2	8.791.182,8	26,4	9,9
Murcia	2.576.564,7	32,0	0,0	2.050.664,4	25,5	0,0	687.783,6	8,5	0,0	1.446.478,1	18,0	0,8	1.287.030,4	16,0	-0,1
Navarra	1.554.111,2	23,1	3,3	1.063.943,1	15,8	3,0	616.040,8	9,1	7,8	412.943,3	6,1	-10,1	3.094.476,5	45,9	8,1
País Vasco	5.348.574,4	30,9	4,0	3.821.499,2	22,1	3,4	1.162.664,4	6,7	1,8	1.145.690,3	6,6	11,8	5.851.756,6	33,8	23,4
A Rioxa	651.501,4	30,8	4,3	428.444,0	20,3	2,5	190.822,3	9,0	3,2	232.189,3	11,0	-6,7	612.627,1	29,0	-2,3
C. Valenciana	9.085.133,0	28,2	1,3	7.162.119,3	22,2	2,5	2.765.673,4	8,6	-1,5	8.382.835,1	26,0	17,7	4.833.466,6	15,0	-30,3
Total (1)	88.347.425,6	31,4	3,2	57.017.554,8	20,3	2,3	22.586.005,3	8,0	3,5	41.476.234,7	14,8	2,2	71.601.816,7	25,5	2,7

Consulta: 01-04-2026

Fonte: Ministerio de Hacienda, Presupuestos de las Comunidades Autónomas

1.2.15.

En comparación co que acontece no resto do Estado, os datos publicados polo Ministerio de Facenda reflicten que Galicia presenta incrementos dos créditos orzamentarios consignados nas funcións de Sanidade (3,8%), Débeda pública (5,4%) e Seguridade e protección social (4,8%) superiores aos do conxunto das Comunidades Autónomas (**cadro 1.2.15.**). Por contra, na función de Educación o incremento é do 1,6%, porcentaxe inferior ao rexistrado no conxunto das CC.AA.

Os principais indicadores da actividade económico-financiera de Galicia (**cadro 1.2.16.**) rexistran que o aforro bruto previsto ascende a 2.053,1 millóns de euros fronte aos 1.766,3 millóns do exercicio precedente. Pola súa banda, as operacións de capital presentan un saldo negativo de 1.778,4 millóns de euros. A necesidade de financiamento é de 80,1 millóns de euros, fronte aos 60,7 millóns do ano anterior. Tendo en conta os axustes de contabilidade nacional, que é como se mide o obxectivo de estabilidade orzamentaria, e que se fixa como referencia o obxectivo establecido para as CC.AA. no programa de estabilidade, Galicia non recorrerá ao endebedamento como fonte de financiamento. Neste senso, non se prevé ningún axuste por inexecución do presuposto inicial (**cadro 1.2.17.**).

A débeda acumulada en Galicia no ano 2025 (referida ao cuarto trimestre de cada ano) aumenta un 0,6%, case tres veces menos que o rexistrado de media no conxunto das CC.AA. (1,7%), aca dando os 12.010 millóns de euros segundo o avance do Banco de España (**cadro 1.2.18.**). En termos relativos, a relación entre o devandito endebedamento e o PIB redúcese ata o 13,9%,



Principais magnitudes orzamentarias das CC.AA. 2026

	Aforro bruto	Saldo de operacións de capital	Déficit (-) ou superávit (+) orzamentario non financeiro		Capacidade (+) ou necesidade (-) de endebedamento
	Capítulos 1 a 5 ppto. Ingresos e gastos	Capítulos 6 e 7 ppto ingresos-gastos (en miles de €)	Capítulos 1 a 7 ppto ingresos-gastos	En (%) do PIB rexional	Capítulo 9 ppto gastos-ingresos (en miles de €)
Andalucía	1.609.813,6	-3.527.431,9	-1.917.618,3	-0,8	-242.298,4
Aragón	475.006,5	-469.115,1	5.891,4	0,0	17.442,4
Asturias	349.477,7	-732.574,1	-383.096,3	-1,2	-135.480,6
Baleares	-37.096,4	-554.605,2	-591.701,6	-1,2	-239.474,0
Canarias	1.073.353,3	-1.635.555,0	-562.201,7	-0,9	-56.426,4
Cantabria	511.866,5	-454.680,6	57.185,8	0,3	149.516,9
Castela e León	2.276.433,9	-1.144.773,3	1.131.660,7	1,4	1.108.983,9
Castela-A Mancha	474.937,8	-408.356,2	66.581,6	0,1	59.239,4
Cataluña	8.402.593,4	-1.516.758,3	6.885.835,1	2,1	6.129.379,8
Estremadura	-86.270,9	-528.690,6	-614.961,5	-2,1	-249.788,3
Galicia	2.053.130,5	-1.778.429,5	274.701,0	0,3	-80.140,1
Madrid	2.230.483,2	-2.282.580,0	-52.096,7	0,0	-348.174,9
Murcia	510.813,8	-436.953,9	73.860,0	0,2	297.491,9
Navarra	366.568,8	-539.516,7	-172.948,0	-0,6	-67.761,0
País Vasco	1.253.351,6	-1.714.779,0	-461.427,3	-0,5	-1.444.569,5
A Rioxa	121.128,6	-243.199,7	-122.071,2	-1,0	-105.529,5
C. Valenciana	1.602.128,2	-1.832.801,3	-230.673,0	-0,1	-269.732,4
Total	23.187.720,2	-19.800.800,2	3.386.920,0	0,2	4.522.679,3

Consulta: 01-04-2025

Fonte: Ministerio de Hacienda, *Presupuestos de las Comunidades Autónomas*

1.2.16.

Necesidade de financiamento da C.A. 2025

(en miles de €)

Saldo orzamentario	274.701,0
Axustes conforme as normas SEC	-128.701,0
Liquidacións negativas do sistema de financiación	84.807,0
Intereses	0,0
Inexecución	-
Recadación incerta	-88.000,0
Obrigas de exercicios anteriores (conta 413/409)	-
Outras unidades consideradas como Administración Pública	-121.000,0
Aportacións de capital a empresas públicas	-
Transferencias do Estado	-
Transferencias da UE	-
Reasignación de operacións	-
Investimentos de APP's	-
Resto de axustes	-4.508,0
Capacidade / Necesidade de financiación	146.000,0
% PIB	0,2

Fonte: Ministerio de Hacienda, *Presupuestos de las Comunidades Autónomas*

1.2.17.

Débeda das CC.AA. 2008 e 2024-25 ⁽¹⁾

	2008			2024			2025		
	débeda acumulada	débeda / habitante (2)	débeda / PIB	débeda acumulada	débeda / habitante (2)	débeda / PIB	débeda acumulada	débeda / habitante (2)	débeda / PIB
	(en millóns de euros)	(en euros)	(%)	(en millóns de euros)	(en euros)	(%)	(en millóns de euros)	(en euros)	(%)
Andalucía	8.143	1.003,01	5,4	40.529	4.695,28	19,1	40.721	4.693,12	18,1
Aragón	1.517	1.144,54	4,3	9.402	6.956,25	19,0	9.420	6.903,37	17,9
Asturias	770	718,90	3,2	4.066	4.027,34	13,5	3.893	3.835,16	12,3
Baleares	2.696	2.585,21	9,8	8.426	6.840,57	18,8	8.364	6.691,70	17,7
Canarias	1.885	946,31	4,5	6.569	2.934,22	11,4	6.619	2.930,42	10,8
Cantabria	511	885,21	3,9	3.234	5.473,46	18,1	3.215	5.416,34	17,2
Castela e León	2.608	1.026,08	4,6	14.239	5.953,55	18,9	14.261	5.939,02	18,2
Castela - A Mancha	2.584	1.271,76	6,5	16.656	7.914,72	29,1	16.610	7.811,19	28,3
Cataluña	20.825	2.848,39	10,0	89.035	11.112,39	29,7	90.082	11.088,17	28,2
C. Valenciana	13.696	2.779,17	12,7	60.332	11.342,13	40,7	63.934	11.784,65	40,7
Extremadura	904	829,62	5,0	5.552	5.264,15	21,0	5.207	4.942,96	18,5
Galicia	3.954	1.435,33	6,8	11.936	4.411,21	14,5	12.010	4.423,92	13,9
Madrid	11.380	1.827,76	5,7	37.260	5.315,82	12,0	37.825	5.317,08	11,3
Murcia	755	531,85	2,6	13.518	8.618,47	31,5	14.019	8.833,60	31,2
Navarra	868	1.407,47	4,7	2.745	4.046,69	10,3	2.647	3.871,36	9,4
País Vasco	1.007	466	1,5	10.842	4.866,94	11,6	11.137	4.966,58	11,5
A Rioxa	393	1.243	4,8	1.634	5.040,35	14,5	1.679	5.137,57	14,3
Total	74.497	1.636	6,7	335.975	6.934,39	24,3	341.642	6.954,09	20,2

(1) datos correspondentes ao 4º trimestre de cada ano; inclúense as unidades que se ocupan da administración xeral da C.A., as universidades localizadas no seu ámbito e aqueles organismos e empresas dependentes da C.A. que se clasifican como Adm. Pública.

(2) datos da Estadística Continua de Población, a 1 de xaneiro de cada ano

Fonte: Banco de España, *Boletín estadístico*

1.2.18.


fronte ao 14,5% do PIB en 2024, o que supón o sexto nivel de endebedamento máis reducido do Estado, superado novamente por Navarra (9,4%), Canarias (10,8%), País Vasco (11,3%), Madrid (11,5%), e Asturias (12,3%). O endebedamento por habitante medra tamén en relación ao período anterior ata acadar os 4.423,92 euros, situándose moi por baixo da media das CC.AA., que ascendeu a 6.954,09 euros por persoa.

Os indicadores económicos da recadación tributaria do Estado en Galicia mostran o incremento dos ingresos tributarios. A recadación presenta en Galicia unha medra do 12,5% respecto ao ano anterior impulsada tanto polo comportamento da imposición indirecta, que aumenta un 24,2%, como pola vía de impostos directos (7,2%). En termos absolutos, a recadación tributaria do Estado en Galicia ascende a 12.320,8 millóns de euros (1.373,3 millóns máis que no ano anterior) o que representa o 3,8% do total estatal.

No que respecta aos impostos directos, o devandito incremento explícase fundamentalmente pola medra da recadación do IRPF nun 11,4% (539,7 millóns de euros máis), reducíndose a correspondente ao imposto de sociedades, que se reduce un 3,1% (74,6 millóns menos). A recadación pola imposición directa ascende a 7.935,4 millóns de euros, 529,8 millóns máis que no ano anterior, o que representa o 64,4% da recadación total (**cadro 1.2.19.**), máis de tres puntos

Recadación tributaria do Estado en Galicia 2022-25. Criterio de caixa

	2025		2024		2023		2022	
	(en miles de euros)	(%)	(en miles de euros)	(%)	(en miles de euros)	(%)	(en miles de euros)	(%)
Total	12.320.782	100	10.947.448	100	10.253.941	100	9.147.309	100
Impostos directos	7.935.358	64,4	7.405.584	67,6	6.587.145	64,2	5.828.666	63,7
IRPF	5.268.304	42,8	4.728.597	43,2	4.316.670	42,1	3.924.776	42,9
Impostos sobre sociedades	2.328.086	18,9	2.402.701	21,9	2.069.235	20,2	1.741.997	19,0
Imposto sobre a renda de non residentes	278.585	2,3	245.077	2,2	184.909	1,8	152.043	1,7
Resto capítulo I	60.383	0,5	29.209	0,3	16.331	0,2	9.850	0,1
Impostos indirectos	4.335.913	35,2	3.489.679	31,9	3.618.523	35,3	3.273.830	35,8
IVE	4.017.813	32,6	3.166.434	28,9	3.335.188	32,5	2.986.269	32,6
Impostos especiais	112.550	0,9	113.984	1,0	82.381	0,8	82.316	0,9
Tráfico exterior	187.771	1,5	194.301	1,8	188.192	1,8	190.498	2,1
Taxas e outros ingresos	49.511	0,4	52.185	0,5	48.273	0,5	44.813	0,5



Fonte: Agencia Tributaria, Recaudación tributaria

1.2.19.


por baixo do que representa no ano anterior (67,6%). No último ano o IRPF ascende a 5.268,3 millóns de euros, o que representa o 42,8% da recadación total, e ata os 2.328,1 millóns no caso do imposto de sociedades, o que representa o 18,9% da recadación. No caso do IRPF este importe é o máis elevado dende o inicio da crise económica e financeira de 2008, mentres que no caso do imposto de sociedades, esta contía tan só é superada pola recadación do ano anterior.

No que atinxe aos impostos indirectos, a recadación ascende a 4.335,9 millóns de euros, 846,2 millóns máis que no ano anterior (24,2%), o que representa o 35,2% da recadación total. Entre estes, o IVE recadou un total de 4.017,8 millóns de euros, un 26,9% máis que no exercicio precedente (851,4 millóns máis).

Atendendo á evolución da estrutura da recadación do Estado en Galicia, se se compara a situación do último ano coa existente en 2019, cómpre indicar en primeiro lugar o incremento do peso relativo da imposición directa, que en 2019 representaba o 60,5% do total, case catro

Ingresos tributarios da Comunidade Autónoma. Criterios de caixa: 2024-25

	2024	2025	25/24	
	(miles de euros)		(miles de euros)	(%)
Capítulo I: Impuestos directos	3.639.492,9	4.081.761,4	442.268,4	12,2
10 Sobre a renda	3.377.526,2	3.767.453,2	389.927,0	11,5
11 Sobre o capital	261.748,3	312.076,8	50.328,5	19,2
12 Outros impostos directos	218,5	2.231,3	2.012,9	921,4
Capítulo II: Impuestos indirectos	3.988.238,1	4.015.918,9	27.680,8	0,7
20 Sobre transmisións patrimoniais onerosas e actos xurídicos documentados	362.615,6	422.759,7	60.144,1	16,6
21 Imposto sobre o valor engadido	2.713.057,8	2.711.381,7	-1.676,1	-0,1
22 Impostos sobre consumos específicos	811.463,4	777.241,1	-34.222,3	-4,2
23 Imposto sobre o xogo	52.576,6	54.943,8	2.367,3	4,5
29 Tributos propios da Comunidade autónoma	35.805,5	34.630,7	-1.174,8	-3,3
290 Tributación autonómica sobre o xogo	-59,6	0,0	59,6	0,0
291 Gravame sobre contaminación atmosférica	410,9	345,7	-65,2	-15,9
292 Imposto sobre o dano ambiental da auga encorada	13.006,1	11.850,1	-1.155,9	-8,9
293 Canon eólico	22.448,2	22.434,9	-13,3	-0,1
Capítulo III: Taxas e outros ingresos	226.889,1	222.471,6	-4.417,5	-1,9
30 Taxas administrativas	31.257,0	27.793,4	-3.463,5	-11,1
31 Prezos	30.691,1	31.720,2	1.029,1	3,4
32 Outras taxas	0,0	0,0	0,0	0,0
34 Ingresos derivados de encomendas de xestión	26.393,8	25.240,7	-1.153,1	-4,4
35 Ingresos derivados de compensación económicas	6.284,0	6.086,0	-198,0	-3,2
36 Debedores	52.974,6	50.330,8	-2.643,8	-5,0
37 Ingresos por ensaios clínicos	113,3	158,4	45,1	0,0
38 Reintegros	40.211,3	49.572,2	9.360,9	23,3
39 Outros ingresos	38.964,1	31.569,9	-7.394,2	-19,0




Fonte: IGE, Administración pública

1.2.20.

puntos inferior á do exercicio 2025 (64,4%). Este incremento prodúcese no caso do IRPF (3,8 puntos porcentuais) o que contrasta co lixeiro descenso do peso relativo do imposto de sociedades (medio punto porcentual). En 2019 o IRPF concentra o 39% da recadación e o imposto de sociedades o 19,4%. Por contra, o descenso de 3,6 puntos na imposición indirecta ven explicado fundamentalmente polo IVE, que en 2019 representa o 35,6% da recadación fronte ao 32,6% de 2025.



Participación da produción, a poboación e o emprego galego ⁽¹⁾ no total español 2008-25



(1) PIB a prezos de mercado, prezos correntes; emprego: afiliados á Seguridade Social
 Fonte: elaboración propia CES-Galicia a partir de datos do INE

1.2.21.

No que atinxe aos tributos propios da Comunidade Autónoma, **cadro 1.2.20.**, o importe total destes tributos foi de 34,6 millóns de euros, rexistrándose un descenso do 3,3% respecto ao ano anterior (-1,2 millóns de euros). Entre os distintos tributos cómpre resaltar a importancia recadatoria do canon eólico, que tras unha caída do 0,1% respecto ao ano precedente, supón o 64,8% dos tributos propios (22,4 millóns de euros), seguida polos impostos sobre o dano ambiental da auga encorada, cun 34,2% do total de recadación (11,9 millóns de euros).

Proceso de converxencia económica

O obxectivo deste apartado é analizar en primeiro lugar a converxencia da economía galega coa media estatal, e posteriormente respecto á media comunitaria. Entendendo como converxencia económica o proceso de aproximación da situación económica dun territorio respecto a outro concreto que se toma como referencia, unha das variables máis empregadas como indicador é o PIB per cápita, de xeito que se a devandita aproximación prodúcese por un maior crecemento do PIB estase ante unha converxencia activa, a diferenza dunha converxencia pasiva que é resultado dunha caída da poboación.

• Converxencia coa media estatal

O PIB galego a prezos correntes medra no ano 2025 un 5,7% respecto ao ano anterior, unha décima inferior ao experimentado en España (5,8%), ascendendo a 86.000,9 millóns de euros, o que representa o 5,10% do total estatal. Como se aprecia no **cadro 1.2.21.**, este peso relativo é inferior ao que representa a poboación galega no conxunto do Estado (5,53%).

Converxencia das CC.AA. fronte a España e a UE 2019-24 ^{(1) (2)}

	Converxencia fronte a España					Converxencia fronte á UE				
	2019	2023	2024	24/19	24/23	2019	2023	2024	24/19	24/23
	(puntos porcentuais)					(puntos porcentuais)				
Andalucía	74,2	74,8	75,2	1,1	0,4	67,4	67,7	68,7	1,3	1,0
Aragón	109,1	112,2	112,5	3,4	0,3	99,1	101,6	102,5	3,5	0,9
Asturias	87,2	90,8	90,9	3,7	0,1	79,1	82,3	83,0	3,8	0,7
Baleares	110,6	109,7	110,6	0,0	0,9	100,3	99,5	101,0	0,7	1,5
Canarias	79,5	78,3	79,2	-0,2	0,9	72,2	70,8	72,4	0,3	1,6
Cantabria	92,1	91,7	91,6	-0,5	-0,1	83,5	83,1	83,7	0,2	0,6
Castela e León	93,3	94,5	94,6	1,3	0,1	84,5	85,7	86,5	2,0	0,8
Castela-A Mancha	79,9	81,0	80,6	0,7	-0,4	72,5	73,4	73,4	1,0	0,0
Cataluña	117,6	114,9	114,8	-2,7	-0,1	106,6	104,2	104,8	-1,9	0,6
C. Valenciana	87,3	85,6	84,7	-2,7	-0,9	79,1	77,6	77,2	-1,9	-0,4
Extremadura	74,6	77,1	77,3	2,7	0,2	67,7	69,8	70,4	2,7	0,6
Galicia	89,8	92,5	92,5	2,7	0,0	81,3	83,9	84,5	3,1	0,6
Madrid	137,5	137,7	137,1	-0,4	-0,5	124,7	124,7	125,1	0,4	0,3
Murcia	82,7	82,4	82,6	-0,1	0,1	75,0	74,7	75,4	0,4	0,7
Navarra	120,7	119,4	119,8	-0,9	0,4	109,5	108,1	109,3	-0,2	1,2
País Vasco	126,2	126,0	125,7	-0,5	-0,4	114,6	114,1	114,8	0,2	0,7
A Ríoxa	105,3	104,6	104,6	-0,7	-0,1	95,6	94,8	95,5	-0,1	0,7
Ceuta	73,5	72,4	70,7	-2,8	-1,7	66,8	65,6	64,4	-2,4	-1,2
Melilla	67,9	66,0	64,7	-3,2	-1,3	61,7	59,9	59,1	-2,6	-0,7
Total	100,0	100,0	100,0			90,8	90,6	91,2	0,4	0,6

(1) converxencia en termos de PIB por habitante; prezos de mercado (paridade poder adquisitivo)

(2) fronte a España, 2023: provisional, 2024 avance

Fonte: INE, Contabilide Rexional, e EUROSTAT


1.2.22.

A partir dos datos recollidos nas contas económicas trimestrais do IGE e INE e no Padrón pódese calcular o valor do indicador PIB rexionalizable per cápita, que en 2025 se sitúa en 92,5 puntos (España=100), catro décimas máis que no ano anterior. O menor impacto da crise orixinada pola pandemia e a saída da crise antes que no conxunto do Estado, xunto á evolución menos favorable da poboación, fan que este indicador aumente en máis de catro puntos entre o ano 2019 e 2021 pasando de 87,7% de 2019 ata o 92,2%. Posteriormente, o indicador mantense lixeiramente por riba do 92%, acadando en 2025 os devanditos 92,5%.

• Converxencia coa media europea

Tras a acusada caída do produto interior bruto por habitante en paridade de poder adquisitivo rexistrada en Galicia en 2020 (-10,5%, máis de seis puntos e medio superior á rexistrada no conxunto da Unión Europea), as economías retoman a súa tendencia crecente, presentando o PIB per capita en Galicia en 2024 unha medra interanual do 4,7%, sendo esta porcentaxe do 3,9% no conxunto da UE e do 4,6% en España. Os datos publicados por Eurostat amosan que no último ano o PIB per cápita ascende na Comunidade Autónoma a 33.700 euros, o equivalente ao 84,5% da media da UE-27 (91,2% no conxunto do Estado). Comparado co resto das Comunidades Autónomas, Galicia sitúase como a novena C.A. co valor máis elevado, tras Madrid, País Vasco, Navarra, Cataluña, Aragón e Baleares, que superan o nivel da UE-27; así como A Ríoxa, que supera o 95% e Castela e León, co 86,5%.

Converxencia de Galicia e España fronte a UE-27 e Galicia fronte a España 2000-24



(1) PIB per cápita a prezos de mercado (paridade de poder adquisitivo)
 Fonte: INE, Contabilidad Regional, e EUROSTAT

1.2.23.

Atendendo á súa evolución dende o inicio da crise orixinada polo coronavirus, o maior impacto da crise en España en relación á Unión Europea explica que todas as CC.AA. presenten en 2020 unha diverxencia respecto á media europea. Como se aprecia no do **gráfico 1.2.23.**, en 2020 o PIB por habitante en Galicia representaba o 75,4% da media comunitaria, case seis puntos menos que no ano anterior, sendo este descenso superior aos oito puntos no conxunto de España (82,3% en 2020). Entre os anos 2019 e 2024 o PIB per cápita en Galicia aumenta un 31,1%, porcentaxe superior ao estimado na UE e no conxunto de España, cuxo incremento é do 25,9% e 26,8%, respectivamente. Tras esta evolución, o PIB por habitante en Galicia representa en 2024 o 84,5% da media comunitaria fronte ao 81,1% de 2019, sendo esta mellora de tan só sete décimas en España entre os dous anos considerados, pasando do 90,5% en 2019 ata o devandito 91,2% de 2024. □



1.3.

Evolución demográfica

A poboación residente en Galicia medra no último ano un 0,5% para situarse nas 2.728.315 persoas a 1 de xaneiro de 2026, o que representa o 5,5% da poboación española. Con todo, se se considera un horizonte temporal moito máis amplo, dende o ano 2008 Galicia perde 39.159 habitantes (1,4%), sendo unha das catro Comunidades Autónomas cunha caída da súa poboación xunto a Asturias, Castela e León e Extremadura, o que contrasta coa medra do 7,2% no conxunto de España (3,3 millóns de persoas máis).

A estrutura territorial galega, con moitos núcleos de poboación illados e de escasa densidade, deriva nunha estrutura demográfica na que case catro de cada dez municipios teñen menos de 2.000 habitantes e onde só reside o 5,3% da poboación galega total. Esta distribución territorial está especialmente descompensada na provincia de Ourense, onde o 75,8% dos seus concellos (70 municipios) teñen menos de 2.000 habitantes e neles reside o 25,4% da poboación total da provincia.

Asociado á perda de poboación das zonas rurais interiores, outra constante é o envellecemento da poboación por unha caída da fecundidade ou o aumento da esperanza de vida, entre outros moitos factores sociais e económicos. A un de xaneiro de 2026, a poboación de 65 e máis anos aumenta en Galicia ata as 740.286 persoas, o 27,2% da poboación total, 6,1 puntos porcentuais por riba do rexistrado no conxunto do Estado. Esta porcentaxe agrávase nos concellos de menos de 1.000 habitantes, onde o 44,1% a poboación ten máis de 65 anos. A pesar de que nos tres últimos anos se racha a tendencia descendente da poboación potencialmente activa, este envellecemento en Galicia é especialmente preocupante xa que repercute de xeito directo na sostiabilidade do sistema de Seguridade Social e no bo funcionamento do eido laboral.

Poboación nas CC.AA. 2024-25 ⁽¹⁾

	2025				25/24		
	Total	Homes	Mulleres	Hab./Km2	Total <i>(número)</i>	Homes <i>(número)</i>	Mulleres <i>(número)</i>
Andalucía	8.733.535	4.300.926	4.432.609	99,7	56.822	31.819	25.003
Aragón	1.381.842	687.532	694.310	29,0	17.221	10.745	6.476
Asturias	1.021.733	488.140	533.593	96,4	6.605	3.629	2.976
Baleares	1.259.545	627.219	632.326	252,3	9.701	4.546	5.155
Canarias	2.272.734	1.121.253	1.151.481	305,2	13.868	6.432	7.436
Cantabria	597.281	289.474	307.807	112,2	3.658	2.014	1.644
Castela e León	2.418.425	1.192.255	1.226.170	25,7	17.204	9.357	7.847
Castela-A Mancha	2.154.244	1.083.498	1.070.746	27,1	27.866	15.998	11.868
Cataluña	8.208.894	4.058.542	4.150.352	255,6	84.768	51.708	33.060
C. Valenciana	5.521.600	2.722.176	2.799.424	237,4	96.418	51.619	44.799
Extremadura	1.055.197	521.410	533.787	25,3	1.852	978	874
Galicia	2.728.315	1.314.719	1.413.596	92,3	13.574	7.892	5.682
A Coruña	1.143.461	549.110	594.351	143,8	7.838	4.475	3.363
Lugo	327.819	159.482	168.337	45,1	1.797	1.262	535
Ourense	306.621	147.366	159.255	31,1	1.343	720	623
Pontevedra	950.414	458.761	491.653	211,4	2.596	1.435	1.161
Madrid	7.170.906	3.435.058	3.735.848	885,5	57.020	27.648	29.372
Murcia	1.604.043	802.852	801.191	141,8	17.054	7.947	9.107
Navarra	689.018	341.725	347.293	66,3	5.164	2.890	2.274
País Vasco	2.252.730	1.097.962	1.154.768	311,4	10.387	6.244	4.143
A Rioxa	329.490	162.565	166.925	65,3	2.687	1.388	1.299
Ceuta	84.222	42.467	41.755	4.432,7	655	320	335
Melilla	86.971	43.437	43.534	6.690,1	-96	-333	237
Total	49.570.725	24.333.210	25.237.515	98,0	442.428	242.841	199.587
Galicia / España (%)	5,50	5,40	5,60				

(1) 2025 datos provisionais a 1 de xaneiro de 2026, 2024 datos definitivos a 1 de xaneiro de 2025.
Fonte: INE, *Estadística continua de poboación*

■ 1.3.1.

No presente capítulo analizarase a estrutura da poboación galega e o movemento natural da poboación, facendo especial referencia ao panorama rural e urbano por mor da importancia do rural galego tanto dende o punto de vista social como económico ou medioambiental.

Estrutura da poboación

A estatística continua de poboación reflicte que por cuarto ano consecutivo Galicia presenta unha medra da súa poboación residente. A 1 de xaneiro de 2026 Galicia conta con 2.728.315 persoas, o que supón 13.574 persoas máis que na mesma data do ano anterior (0,5%). Este incremento é inferior á rexistrada no conxunto de España, onde a poboación residente ascende a 49,6 millóns de persoas, un 0,9% máis que na mesma data do ano anterior.

O devandito incremento interanual de poboación en Galicia volve a afectar tanto a mulleres como a homes así como ás catro provincias galegas. Dunha banda, o incremento da poboación no último ano é lixeiramente superior entre os homes; en concreto, a poboación masculina au-



**Evolución da poboación 2008-25 ⁽¹⁾: distribución provincial,
nas 7 grandes cidades e segundo concellos**

	2008	2019	2023	2024	2025
Total	2.784.169	2.699.499	2.696.177	2.703.353	2.713.169
A Coruña	1.139.121	1.119.596	1.123.426	1.128.320	1.135.612
Lugo	355.549	329.587	323.956	324.842	325.759
Ourense	336.099	307.651	304.550	304.592	305.573
Pontevedra	953.400	942.665	944.245	945.599	946.225
Galicia occidental costa	1.965.482	1.950.806	1.956.455	1.962.593	1.970.069
Galicia interior	818.687	748.693	739.722	740.760	743.100
Sete grandes cidades	993.124	990.938	988.604	994.442	1.000.396
Vigo	295.703	295.364	293.652	293.977	294.489
A Coruña	245.164	245.711	247.376	249.261	251.543
Ourense	107.057	105.233	104.250	104.891	105.769
Lugo	95.416	98.276	98.214	99.482	100.143
Santiago de Compostela	94.339	97.260	98.687	99.536	100.769
Pontevedra	80.749	83.029	82.535	83.077	83.316
Ferrol	74.696	66.065	63.890	64.218	64.367
Concellos segundo tamaño					
< 1.000 hab.	28.027	22.147	25.500	28.015	28.675
1.001 a 5.000 hab.	475.635	388.563	384.165	383.026	390.124
5.001 a 10.000 hab.	399.710	412.544	383.740	369.243	360.262
> 10.000 hab.	1.880.797	1.876.245	1.902.772	1.923.069	1.934.108
Graos de Urbanización					
ZDP	993.124	990.938	989.949	995.823	1.001.776
ZIP	978.544	994.428	1.002.998	1.007.295	1.011.568
ZPP	812.501	714.133	706.477	702.715	701.397

(1) datos do padrón

(2) comparativa feita en base a 2020; Cesuras e Oza dos Ríos incluídos en 2008 no grupo de 1001 a 5000 hab. Cerdedo-Cotobade antes do 2017 no de 5001 a 10000 hab.

Fonte: IGE, *Cifras de poboación, Padrón Municipal de Habitantes*

1.3.2.

menta un 0,4% respecto ao ano anterior (7.892 homes máis) fronte ao 0,4% entre as mulleres (5.682 persoas máis). Doutra banda, a provincia da Coruña presenta a mellor evolución tanto en termos absolutos como relativos, cunha medra interanual do 0,6% no caso das mulleres (3.363 máis) e do 0,8% entre os homes (4.475 persoas). A continuación estaría Lugo, cunha medra do 0,3% (535 mulleres máis) e 0,8% (1.262 homes), respectivamente. No extremo oposto, o menor incremento en termos relativos rexístrase na provincia de Pontevedra, cunha medra do 0,2% entre as mulleres (1.161 persoas máis) e 0,3% entre os homes (1.435 máis). En Ourense estas taxas de crecemento sitúanse no 0,4% (623 mulleres máis) e 0,5% (720 máis), respectivamente.

Se se amplía o horizonte temporal ata o inicio da crise económica de 2008 Galicia perdeu 39.159 habitantes, o que supón unha redución do 1,4%, o que contrasta co incremento superior a 3,3 millóns de habitantes (7,2%) no conxunto do Estado. En comparación co acontecido no resto de CC.AA., ademais de Galicia tan só tres Comunidades Autónomas perderon poboación no

devandito período de tempo; Castela e León e Asturias, cunha redución do 5,1%; e Estremadura, cun 3,6%.

O devandito descenso do 1,4% neses case vinte anos prodúcese tanto entre os homes como entre as mulleres, e nas provincias do interior. Dunha banda, fronte á perda de 25.542 persoas en Ourense e de 24.503 persoas en Lugo (-7,7% e -7%, respectivamente), a provincia da Coruña rexistra un incremento da súa poboación de 8.174 persoas (0,7%) e Pontevedra de 2.711 persoas (0,3%). Doutra, no concernente á evolución segundo sexo, o descenso relativo experimentado entre os homes é lixeiramente máis acusado que entre as mulleres en Ourense e Lugo, reducíndose a poboación masculina un 7,9% e 7%, respectivamente; mentres que entre as mulleres esta descenso foi do 7,5% e 6,9%, respectivamente. Por contra, na provincia de Pontevedra a poboación feminina medra un 0,6%, permanecendo practicamente estable entre os homes; situándose estas taxas de crecemento do 0,9% e 0,6% na Coruña.


A desagregación dos datos poboacionais necesaria para analizar a evolución demográfica comarcal, por idades, por tamaño dos concellos ou segundo a súa desagregación segundo grao de urbanización entre outros, que se leva a cabo neste capítulo, só permite analizar datos ata xaneiro de 2025. Os datos do Padrón municipal de habitantes (IGE) amosan que a perda poboacional dende xaneiro de 2008 rexístrase na Galicia interior; así como no conxunto de concellos de 1.000 a 10.000 habitantes; o que contrasta co incremento experimentado nos concellos de máis de 10.000 habitantes e nos sete grandes concellos galegos considerados no seu conxunto a pesar da forte caída experimentada en Ferrol, así como en Ourense e Vigo (**cadro 1.3.2.**).

O **gráfico 1.3.3.** amosa que por terceiro ano consecutivo a poboación residente medra tanto na Galicia interior como na costa, aumentando entre xaneiro de 2024 e 2025 un 0,4% na Galicia occidental-costa (7.476 persoas) e un 0,3% no interior (2.340 persoas). A un de xaneiro de 2025 nas comarcas da denominada Galicia occidental-costa residen 1.970.069 persoas, o que supón o 72,6% dos galegos, dous puntos menos que en 2008, ascendendo a 743.100 persoas no interior (27,4%). Con todo, entre xaneiro de 2008 e 2025 a poboación no interior de Galicia descende en 75.587 persoas (-9,2%), o que contrasta co incremento do 0,2% na costa (4.587 persoas),

A devandita maior concentración da poboación na Galicia costeira apréciase tamén na análise da súa distribución segundo o seu grado de urbanización: territorios rurais (zonas pouco poboadas; ZPP), zonas urbanas e zonas intermedias de poboación. A 1 de xaneiro de 2025, un 36,9% (1.001.776 habitantes) reside nas denominadas zonas densamente poboadas (ZDP), definidas como áreas cunha densidade superior a 500 habitantes por quilómetro cadrado e unha poboación total de alomenos 50.000 habitantes; un 37,3% (1.011.568 persoas) nas denominadas zonas intermedias (ZIP), definidas como zonas que non pertencen a ZDP e que contan cunha densidade superior a 100 habitantes por quilómetro cadrado e, ou ben a poboación total da zona é superior a 50.000 habitantes, ou ben son adxacentes a unha ZDP. O restante 25,8% (701.397 persoas) reside nas zonas pouco poboadas (ZPP), definidas como áreas locais que non pertencen a ningunha das anteriores.

A distribución da poboación non é homoxénea entre as provincias galegas. Dunha banda, o

Poboación na Galicia occidental costa e na Galicia interior 2015-25



Fonte: IGE, Cifras de poboación, Padrón Municipal de Habitantes

1.3.3.

45% da poboación de Ourense e o 42,9% de Lugo reside nas ZPP, o que contrasta co 15,3% na provincia de Pontevedra e o 24,6% na Coruña. Nestas dúas últimas provincias a maior concentración de poboación rexístrase nas ZIP, ao acoller o 44,7% e 38,7% da súa poboación (26,4% en Lugo e 20,4% en Ourense). No caso das ZDP, o 40% da poboación de Pontevedra está inscrita nestas zonas, case dez puntos máis que na provincia de Lugo (30,7%), descendendo esta porcentaxe ata o 34,6% en Ourense e o 36,7% na Coruña.

O devandito incremento da poboación en Galicia entre xaneiro de 2024 e 2025 explícase por unha medra da poboación tanto nas zonas densamente poboadas (5.953 persoas máis; 0,6%) como nas ZIP (0,4%; 4.273 persoas), reducíndose por contra a poboación inscrita nas ZPP nun 0,2% (1.318 persoas menos), máis da metade do rexistrado no ano anterior (-0,5%).

Atendendo á evolución nas catro provincias galegas, Lugo e Ourense seguen unha evolución similar á do conxunto de Galicia, cun descenso da poboación nas zonas pouco poboadas e un incremento nas zonas intermedias e nas densamente poboadas. En concreto, descende un 0,4% nas ZPP (581 en Lugo e 517 en Ourense); rexistrando Lugo as taxas de crecemento máis elevadas de Galicia nas ZIP, cun 1% (849 persoas máis) fronte ao 0,7% en Ourense (444 persoas). Nas ZDP, a poboación medra un 0,8% en Ourense (884) e un 0,7% en Lugo (706 persoas). Doutra banda, a provincia da Coruña presenta unha medra da poboación nos tres grados de urbaniza-

ción considerados, situándose no 0,9% nas ZDP (3.918 persoas) fronte ao 0,7% nas ZIP (3.052 persoas) e un 0,1% nas ZPP (204 persoas máis). Asemade, en Pontevedra salienta o lixeiro descenso da poboación nas ZIP (72 persoas menos) xunto coa redución do 0,3% nas ZPP (424 menos), aumentando un 0,1% (445 persoas) nas ZDP.

Se se amplía o horizonte temporal ao período comprendido entre o 1 de xaneiro de 2011 e 2025, os datos da estatística do padrón continuo de habitantes reflicten que o descenso da poboación galega en case 58.200 persoas (2,1%) ven motivado pola perda poboacional nas ZPP, cunha redución do 9,9% (76.859 persoas menos); o que contrasta coa medra do 1,2% nas ZIP (12.321 persoas máis) e, en moita menor medida, nas ZDP, cunha medra do 0,6% (6.352 persoas máis).

Esta evolución nos distintos grados de urbanización é desigual entre as catro provincias galegas. Dunha banda, cómpre resaltar que o devandito descenso nas ZPP rexístrase de maneira especial en Lugo e Ourense, cunha redución superior ao 13%. En concreto, a poboación residente nas ZPP de Lugo redúcese nun 14,1%, o que supón 22.960 persoas menos (22.048 persoas menos na provincia de Lugo); e as ZPP de Ourense presentan un descenso do 13,3%, o que significa 21.146 persoas menos (no conxunto da provincia a perda da poboación ascende a 23.417 persoas). Por contra, o incremento da poboación nas ZIP rexístrase fundamentalmente na provincia da Coruña, cunha medra do 2,7% (11.740 persoas máis) entre os dous anos considerados fronte ao 0,5% en Pontevedra (2.299 persoas máis), o que contrasta co descenso do 1,3% en Lugo e o 0,9% en Ourense (1.152 e 566, respectivamente).

Asemade, no concernente ás ZDP Lugo presenta a taxa de crecemento máis elevada, cunha medra do 2,1% entre as dúas datas consideradas (2.070 persoas máis), por diante da Coruña, cun 1,2% (4.882 persoas); situándose esta porcentaxe no 0,3% en Pontevedra (1.105 persoas máis). Isto contrasta coa redución do 1,6% en Ourense (1.705 persoas menos).

Por último, no que atinxe á análise a nivel municipal, entre o un de xaneiro de 2024 e 2025 a poboación galega medra en 121 dos 313 concellos galegos, dos que 44 pertencen á provincia da Coruña, 31 a Ourense, 23 a Pontevedra e os 23 concellos restantes a Lugo. Comparando a poboación residente en xaneiro de 2025 coa de 2008, dos 65 concellos que experimentan un incremento da súa poboación, 26 pertencen á provincia da Coruña e 25 á de Pontevedra, fronte aos oito en Ourense e seis en Lugo.

Entre as dúas datas consideradas, os concellos con maior incremento da poboación en termos absolutos son A Coruña, con 10.513 habitantes máis; Ames, con 7.850 habitantes máis; Santiago de Compostela, con 7.702 persoas máis; Oleiros, con 6.475 habitantes máis; e Lugo, cunha medra de 6.146 persoas; en tanto que en termos relativos destaca San Cibrao das Viñas, cunha medra do 38,7%, por diante de Miño, cun incremento do 33,9%, e Barbadás, cun incremento superior ao 30%. No extremo oposto, Ferrol presenta a perda de poboación máis acusada, cun descenso de 8.637 persoas, o que supón unha redución do 11,7%; sendo a caída de 2.109 persoas en A Caniza (29,6% menos).

Atendendo á súa desagregación segundo tamaño dos municipios, no último ano un total de 23

concellos en Galicia contaban cunha poboación empadroada superior aos 20.000 habitantes (en 56 municipios residen máis de 10.000 persoas), nos que en conxunto estaban empadroadas 1.464.302 persoas, 8.892 máis que na mesma data do ano anterior. Estes municipios concentran o 54% do total da poboación de Galicia, máis de dous puntos e medio superior á porcentaxe rexistrada en 2008 (51,3%). Esta distribución non é homoxénea entre as distintas provincias, tendo en conta que en Ourense e Lugo tan só as capitais teñen máis de 20.000 habitantes, concentrando o 34,6% e 30,7% da súa poboación, respectivamente. Na Coruña, os once concellos que superan esa cifra de poboación concentran o 59,8% da súa poboación, situándose esta porcentaxe no 61,3% en Pontevedra (dez concellos).

No extremo oposto, a poboación inscrita nos 40 concellos menos poboados de Galicia (menos de 1.000 habitantes) descende ata as 28.675 persoas (346 menos que no ano anterior; -1,2%), o que representa o 1,1% da poboación galega. Na mesma data de 2008 tan só 17 concellos contaban con menos de mil habitantes, acollendo un total de 12.230 persoas, o 0,4% da poboación galega. Deses 40 concellos, un total de 28 corresponden a Ourense, onde a poboación inscrita representa o 6,4% da súa poboación (8,1% en 2008).

Se consideramos en conxunto a poboación residente en concellos con menos de 5.000 persoas inscritas (205 concellos), o 36,8% da poboación de Ourense e o 33,8% no caso de Lugo está empadroada neses concellos (82 e 55 municipios, respectivamente), sendo esta porcentaxe do 15,4% en Galicia e en torno ao 12% no conxunto do Estado. No ano 2008 a poboación residente nestes concellos supuña o 43,4% en Ourense e o 39,7% da poboación e Lugo fronte ao 18,7% no conxunto da Comunidade Autónoma.

Os sete concellos máis importantes en termos de poboación concentran o 36,9% da poboación galega a 1 de xaneiro de 2025, unha décima máis que no ano anterior, cando na mesma data de 2008 esta porcentaxe ascende a 35,7%. En termos absolutos estes concellos contan con 1.000.592 habitantes, o que supón 6.150 máis que en 2024 (0,6%). No último ano as sete grandes cidades presentan unha medra da súa poboación residente, experimentando A Coruña o incremento máis acusado en termos absolutos, con 2.282 habitantes máis (0,9%), sendo Lugo a que presenta a taxa de crecemento máis elevada, cun 1,4% (1.429 residentes máis). Asemade, cómpre resaltar o incremento da poboación en Ferrol por segundo ano consecutivo, cunha mera do 0,2% (149 persoas máis). Tras esta evolución o concello máis poboado é Vigo, con 294.489 habitantes, o que supón o 10,9% da poboación galega, acollendo A Coruña o 9,3% (251.543 habitantes).

Atendendo á evolución dende xaneiro de 2008 cómpre resaltar o descenso nun 13,8% da poboación empadroada no concello de Ferrol, o que supón 10.329 habitantes menos entre os dous anos considerados. Asemade, Ourense presenta unha caída do 1,2% no devandito período (1.288 empadroados menos), e Vigo, dun 0,4% (1.214 persoas menos). Por contra, os maiores incrementos da poboación empadroada rexístranse en Santiago de Compostela, cunha medra do 7% (6.626 persoas máis); Lugo, cun 4,5% (4.727 persoas) e Pontevedra, cun 3,2% (2.567 habitantes). Na cidade da Coruña a poboación residente medra un 2,6% no período sinalado (6.379 persoas máis).

• Composición por idades

O envellecemento da poboación é unha tendencia a longo prazo que se iniciou hai varias décadas en Galicia así como no conxunto de Europa, e que se fai evidente no incremento da proporción de persoas maiores xunto cun descenso na proporción de persoas en idade laboral. Xunto á maior lonxevidade (incremento da esperanza de vida e da idade media) a composición por idades da poboación reflicte ademais un envellecemento do envellecemento, cobrando cada vez maior importancia relativa as persoas de idade moi avanzada.

Os datos do Censo anual de poboación 2021-2025 publicados polo INE reflicten que a 1 de xaneiro de 2025 a idade media en Galicia ascende a 48,5 anos (47,8 no ano 2021). Comparado co resto das CC.AA., Galicia mantense como a terceira Comunidade Autónoma con maior idade media, só por detrás de Asturias (49,6 anos) e Castela e León (48,6 anos), ascendendo a idade media ata os 44,6 anos no conxunto de España. A idade media das mulleres é superior á dos homes, con 50 anos de media en Galicia no caso das mulleres e 46,9 anos no dos homes (45,8 e 43,2 anos en España, respectivamente).

No último ano tan só catro provincias españolas superan os 50 anos de idade, manténdose Zamora como a provincia con maior idade media, con 51,9 anos, por diante de Ourense e Lugo con 51,4 e 50,5 anos de media, respectivamente; e León, con 50,2 anos. Nas provincias da Coruña e Pontevedra, a idade media ascende a 48,2 anos e 47,3 anos, en ámbolos dous casos por riba da media estatal.

Doutra banda, a esperanza de vida aos 65 anos en Galicia no ano 2024 (último ano dispoñible) ascende a 22 anos, máis de ano e medio superior ao rexistrado en 2008 (20,4 anos), o que a mantén como a quinta C.A. coa esperanza de vida máis elevada tras Madrid (23), Castela e León (22,5), e Navarra e País Vasco (22,1). En todas as CC.AA. as mulleres presentan unha esperanza de vida superior á dos homes, situándose en Galicia en 23,9 anos e 19,9 anos, respectivamente. No conxunto de España ascende a 21,9 anos, situándose en 23,3 anos entre as mulleres e en 19,9 entre os homes.

No último ano considerado a esperanza de vida aos 65 anos ascende en Ourense a 22,2 anos, fronte aos 22 anos en Pontevedra e os 21,9 en Lugo. Tan só A Coruña presenta unha taxa inferior á media española, con 21,8 anos.

O índice de dependencia global, que reflicte a relación entre os grupos de poboación potencialmente dependentes (poboación menor de 15 anos e poboación maior de 64 anos) e o grupo de poboación en idade potencialmente activa (poboación entre 15 e 64 anos) aumenta en máis de dez puntos e medio entre xaneiro de 2008 e 2025, acadando no último ano un valor de 60,2 fronte aos 49,4 de 2008. Este índice presenta valores significativamente máis elevados entre as mulleres que entre os homes, acadando os 65,2 e 55,1, respectivamente (54,3 entre as mulleres e 44,5 entre os homes no ano 2008). Doutra banda, o índice de envellecemento, que expresa a relación entre a poboación maior de 64 anos e a poboación menor de 20 anos, aumenta de maneira importante no devandito período de tempo, situándose en Galicia en 176,3 persoas de 65 ou máis anos por cada 100 menores de 20

Poboación nas CC.AA. 2025⁽¹⁾: distribución segundo grupos de idade

	Total		Grupos de idade				
		(%)	0-14	15-44	45-64	≥65	≥85
		(%)			(%)		
Andalucía	8.733.535	17,62	13,4	36,3	30,8	19,6	2,6
Aragón	1.381.842	2,79	12,4	34,3	30,5	22,8	3,9
Asturias	1.021.733	2,06	9,6	29,0	32,7	28,7	4,7
Baleares	1.259.545	2,54	12,9	39,6	30,2	17,2	2,3
Canarias	2.272.734	4,58	10,9	37,3	33,2	18,7	2,3
Cantabria	597.281	1,20	11,0	31,8	32,2	25,0	3,9
Castela e León	2.418.425	4,88	10,7	30,5	31,2	27,6	5,3
Castela-A Mancha	2.154.244	4,35	13,4	35,6	30,6	20,4	3,5
Cataluña	8.208.894	16,56	12,9	37,5	29,7	20,0	3,1
C. Valenciana	5.521.600	11,14	12,8	36,0	30,6	20,6	2,9
Extremadura	1.055.197	2,13	12,0	33,4	31,1	23,5	4,0
Galicia	2.728.315	5,50	10,4	30,6	31,8	27,2	5,0
A Coruña	1.143.461	2,31	10,7	30,9	31,9	26,5	4,7
Lugo	327.819	0,66	9,8	28,8	31,0	30,4	6,5
Ourense	306.621	0,62	9,2	28,2	30,2	32,4	7,0
Pontevedra	950.414	1,92	10,8	31,7	32,4	25,1	4,2
Madrid	7.170.906	14,47	12,9	37,9	29,9	19,2	3,1
Murcia	1.604.043	3,24	15,0	37,8	29,8	17,4	2,5
Navarra	689.018	1,39	13,5	35,0	30,1	21,3	3,4
País Vasco	2.252.730	4,54	11,8	32,7	31,0	24,5	4,0
A Rioxa	329.490	0,66	12,7	33,6	30,8	22,9	3,8
Ceuta	84.222	0,17	16,1	41,4	28,2	14,3	1,6
Melilla	86.971	0,18	18,9	41,5	26,1	13,4	1,4
Total	49.570.725	100	12,6	35,7	30,6	21,1	3,3

(1) 2025 datos provisionais a 1 de xaneiro de 2026

Fonte: INE, *Estadística continua de poboación*

■ 1.3.4.

anos (135,5 en xaneiro de 2008), ascendendo a 147,6 entre os homes e 206,7 entre as mulleres.

Tal como se observa no **cadro 1.3.4.**, o 27,2% da poboación galega a 1 de xaneiro de 2026 ten 65 ou máis anos (21,1% no conxunto do Estado), porcentaxe tan só superada por Castela e León, co 27,6%, e Asturias, cun 28,7%. Asemade, o peso relativo das persoas maiores de 85 anos sobre o total de poboación ascende en Galicia ata o 5%, o que a sitúa tan só por detrás de Castela e León (5,3%), e moi por riba da media estatal que é do 3,3% (sitúase no 4,7% en Asturias). Por outra banda, tan só o 10,4% da poboación galega ten menos de 14 anos (12,6% en España), porcentaxe só superior á rexistrada en Asturias, cun 9,6% (un 10,7% en Castela e León).

Ourense e Lugo son as provincias galegas onde unha maior porcentaxe da súa poboación ten idades superiores aos 65 anos. O 32,4% da poboación de Ourense supera os 65 anos, sendo esta porcentaxe tres veces e media superior á dos menores de 15 anos (9,2%). Na provincia de Lugo o 30,4% da poboación ten máis de 65 anos, fronte ao 9,8% dos menores de 15. Asemade,

Poboación en Galicia e España 2008 e 2025⁽¹⁾: estrutura segundo grupos de idade



(1) Datos provisionais a 1 de xaneiro de 2026
 Fonte: INE, *Estadística continua de poboación*


1.3.6.

o 7% da poboación de Ourense ten 85 ou máis anos e o 6,5% en Lugo. Comparado co resto das provincias españolas, Ourense e Lugo son, xunto con Zamora, as que presentan as maiores porcentaxes de poboación maior de 65 anos (o 33% ten máis de 65 e un 7,2% ten 85 ou máis anos), situándose como a segunda e a quinta provincia con menor porcentaxe de mozos de 15 ou menos anos (8,8% en Zamora).

Atendendo aos grandes grupos de idade, o devandito descenso da poboación galega entre xaneiro de 2008 e 2026 afecta ao conxunto de persoas con menos de 44 anos. En termos relativos o descenso máis acusado en Galicia rexístrase entre a poboación entre 30 e 34 anos, cunha caída en Galicia do 41,5% (93.428 persoas menos) e entre 25-29, cun 40,2% (82.061 persoas menos), porcentaxes superiores á caída media no Estado que foi do 29,1% e 24,5%, respecti-



Pirámide de poboación de Galicia 2008 e 2025



Fonte: INE, *Estadística continua de poboación*

1.3.6.

vamente. Entre a poboación máis nova cómpre resaltar a desigual evolución entre os menores de catro anos, onde por mor da baixa taxa de natalidade, a poboación se reduce nun 31,6% (34.278 persoas menos) e entre aqueles con idades comprendidas entre 10-14 anos, ao presentar un incremento do 10,1% entre as dúas datas consideradas (10.568 persoas). No conxunto de España, a poboación menor de 4 anos no dito período cae un 29,8% o que contrasta co incremento do 17,8% entre aqueles con idades comprendidas entre 10 e 14 e un 18,1% entre aqueles entre 15-19 anos (medra un 1,3% en Galicia).

Os restantes grupos de idade presentan taxas de variación positivas. Dunha banda, o incremento máis acusado é o experimentado polas persoas maiores de 85, cunha medra do 67,1%; doutra banda, a poboación de 45 a 64 anos aumenta en Galicia un 20,5% e a poboación de 65 a 84 anos, un 17,7%. O **gráfico 1.3.6.** reflicte a pirámide de poboación de Galicia onde se pode apreciar un engrosamento nos grupos quinquenais a partir dos 45 anos, sendo os grupos quinquenais maioritarios son os de 45-49 e 50-54 anos, que concentran o 8,4% e 8,3% da poboación total, respectivamente.

As disparidades entre provincias tamén se reproducen entre a Galicia occidental-costa e a Galicia interior, entre os distintos concellos segundo o seu tamaño, e entre os distintos grados de urbanización considerados. Dunha banda, os datos correspondentes a un de xaneiro de 2025 reflicten que as comarcas da Galicia interior presentan unha poboación máis envellecida. As

persoas de 65 ou máis anos representan o 30,8% da súa poboación (25,4% na costa), en tanto que a poboación menor de 15 anos supón o 9,7% no interior e o 11% na Galicia occidental-costa.

Entre xaneiro de 2008 e 2025, o descenso da poboación na Galicia prodúcese tanto na Galicia interior como na costa, entre as persoas menores de 16 anos como na poboación activa. Dunha banda, no conxunto de comarcas da Galicia interior a poboación potencialmente activa desce un 13,4% (68.163 persoas menos), fronte ao 7,4% no caso dos menores de 16 anos (5.815 habitantes menos), aumentando o das persoas maiores de 65 anos un 1,7% (3.819 persoas máis). Na Galicia occidental-costa estes descensos sitúanse no 6,1% no caso da poboación potencialmente activa (81.302 habitantes menos) e un 8,1% no entre os menores de 16 anos (19.118 persoas); a diferenza do que acontece coa poboación de 65 ou máis anos, ao aumentar un 35,2% entre as dúas datas consideradas (130.550 persoas empadroadas máis).

Doutra banda, se temos en conta a idade de poboación en función do tamaño do concello no que reside, mentres que no conxunto de Galicia a poboación con máis de 65 anos representa o 26,9% da poboación residente a un de xaneiro de 2025, nos concellos con menos de 1.000 habitantes esta porcentaxe é do 43,9% da súa poboación, situándose no 36,2% no caso dos concellos cunha poboación entre 1.001 e 5.000 empadroamentos (nos concellos de máis de 10.000 habitantes a poboación de 65 ou máis anos representa o 24,5%). Por contra, a poboación menor de 15 anos representa tan só o 5,4% nos concellos menores de 1.000 habitantes, e sitúase no 7,9% co caso daqueles cunha poboación entre 1.001 e 5.000 habitantes e 11,3% entre os de máis de 10.000 (10,7% no conxunto de Galicia).

Entre as sete grandes cidades de Galicia, Lugo e Pontevedra son as cidades que presentan a maior porcentaxe de persoas menores de 15 anos, cun 12% e 11,7%, respectivamente; así como as de menor peso relativo no caso das persoas de 65 e máis, cun 23,8% e 23,3%, respectivamente. Por contra, en Ferrol tan só o 9,4% da poboación ten menos de 15 anos en tanto que a poboación que supera os 65 anos achégase ao trinta por cento (29,6%), situándose estas porcentaxes na cidade de Ourense en 10,8% e 27,1%, respectivamente.

Por último, cómpre facer referencia á distribución da poboación segundo idade e grado de urbanización. O ámbito rural (ZPP) é quen presenta a poboación máis envellecida, cunha idade media de 52,2 anos, case catro anos máis que no conxunto de Galicia (48,4), sendo a idade media das mulleres superior á dos homes (53,8 e 50,7 anos, respectivamente). Nas provincias de Ourense e Lugo, as máis envellecidas das catro, a idade media ascende ata os 55,2 anos no primeiro caso e ata os 54,4 anos en Lugo, destacando que a idade media das mulleres en Ourense é de 57 anos (55,7 anos en Lugo).

Por contra, as ZIP son as que presentan a idade media máis reducida, con 46,7 anos (48 no caso das mulleres e 45,4 no dos homes). Estes valores máis baixos rexístranse en todas as provincias agás en Lugo, onde a idade media ascende a 48,8 anos fronte aos 46,5 anos nas zonas máis urbanas (ZDP). Na provincia de Pontevedra, a menos envellecida, as ZIP presentan unha idade media de 46,4 anos (47,7 anos entre as mulleres) en tanto que na Coruña a idade media ascende ata os 46,5 anos (47,8 anos entre as mulleres).

Poboación estranxeira en Galicia e España 2025 ⁽¹⁾

	Estranxeiros			Poboación total			Estranx. / total
	Total	Homes	Mulleres	Total	Homes	Mulleres	(%)
Galicia	193.386	96.116	97.270	2.728.315	1.314.719	1.413.596	7,1
A Coruña	79.370	39.301	40.069	1.143.461	549.110	594.351	6,9
Lugo	29.265	15.196	14.069	327.819	159.482	168.337	8,9
Ourense	26.865	13.059	13.806	306.621	147.366	159.255	8,8
Pontevedra	57.886	28.560	29.326	950.414	458.761	491.653	6,1
España	7.243.561	3.690.652	3.552.909	49.570.725	24.333.210	25.237.515	14,6
			(%)				
Galicia / España	2,7	2,6	2,7	5,5	5,4	5,6	
A Coruña / Galicia	41,0	40,9	41,2	41,9	41,8	42,0	
Lugo / Galicia	15,1	15,8	14,5	12,0	12,1	11,9	
Ourense / Galicia	13,9	13,6	14,2	11,2	11,2	11,3	
Pontevedra / Galicia	29,9	29,7	30,1	34,8	34,9	34,8	

(1) Datos provisionais a 1 de xaneiro de 2026
 Fonte: INE, *Estadística continua de poboación*

1.3.7.

No que se refire ás ZDP, a idade media ascende ata os 47,3 anos no conxunto de Galicia, situándose en 49 anos no caso das mulleres e en 45,2 anos entre os homes. Lugo e Pontevedra presentan a idade media máis reducida, con 46,5 e 46,8 anos, respectivamente; fronte aos 47,6 anos na Coruña; e 48,2 anos en Ourense.

O índice de envellecemento, que mide o número de persoas de 65 e máis anos por cada cen menores de 20 anos, presenta diferenzas significativas entre os distintos graos de urbanización. Os datos correspondentes a un de xaneiro de 2025 reflicten que a ZPP presenta os valores máis elevados, con 270,6 persoas maiores de 65 anos por cada cen menores de vinte anos (176,3 no caso de Galicia). No extremo oposto, nas ZIP o valor do índice sitúase en 144,4, acadando os 158,3 no caso das ZDP.

O índice presenta para as mulleres valores superiores aos dos homes nas catro provincias galegas. Cómpre resaltar a situación de Ourense, onde por cada cen mulleres menores de vinte anos hai 282,5 mulleres maiores de 65, situándose o seu valor en 248,3 no caso de Lugo (205,7 e 192,3 no caso dos homes, respectivamente). No conxunto das ZPP da provincia de Ourense hai un total de 431,5 mulleres maiores de 65 anos por cada cen menores de vinte por 372,7 na provincia de Lugo.

• Poboación estranxeira e movementos migratorios

A estatística continua de poboación (INE) amosa que a 1 de xaneiro de 2026 residían en Galicia un total de 193.386 persoas con nacionalidade estranxeira (**cadro 1.3.7.**), o que supón un incremento do 10,8% respecto á mesma data do ano anterior, 18.892 persoas estranxeiras máis, sendo esta medra interanual significativamente máis intensa que no conxunto do Estado (4,8%).

Deste xeito, o devandito incremento da poboación residente rexistrado en Galicia ven explicado polo aumento da poboación de nacionalidade estranxeira que contrasta coa redución do 0,2% no caso das persoas de nacionalidade española (5.318 residentes menos). Se o horizonte temporal se amplía ata xaneiro de 2008, a poboación estranxeira medra un 109,1% (100.881 persoas máis) o que contrasta coa redución do 4,8% no caso da poboación de nacionalidade española (127.334 persoas menos).

A poboación estranxeira representa o 7,1% da poboación total residente en Galicia, lonxe do 14,6% que representa a poboación estranxeira no conxunto da poboación estatal; Galicia mantense como a segunda Comunidade Autónoma con menor peso relativo de poboación estranxeira, superando tan só a Estremadura (4,9%). En Galicia están inscritos o 2,7% dos estranxeiros residentes no conxunto do Estado, porcentaxe significativamente inferior ao peso relativo da poboación galega en España, que é do 5,5%.

En termos absolutos, as provincias da Coruña, con 79.370 empadroados con nacionalidade estranxeira, e Pontevedra, con 57.886, son as que teñen unha maior presenza de estranxeiros. Con todo, as provincias galegas na que máis relevancia teñen os estranxeiros son Lugo e Ourense, con case un 9% da súa poboación total (29.265 e 26.865 persoas); situándose este peso relativo no 6,9% na Coruña e no 6,1% en Pontevedra.

O incremento de poboación estranxeira en Galicia volve a rexístrase nas catro provincias galegas e tanto en homes como en mulleres. En termos absolutos A Coruña presenta en ambos os dous casos os maiores incrementos, cunha medra interanual de 4.741 homes (13,7%) e 3.459 mulleres (9,4% máis); en tanto que Lugo rexistra a taxa de variación interanual máis elevada en Galicia no caso dos homes, cun 15,3% (2.015 homes máis), situándose esta taxa no 10,1% entre as mulleres (1.286 máis). Por contra, a provincia de Pontevedra presenta as menores taxas de crecemento, cun 10,8% entre os homes (2.780 persoas máis) e un 6,8% entre as mulleres (1.880 mulleres máis). Por último, estes incrementos situáronse en Ourense no 12% e no 10,6% entre os homes (1.403 persoas) e as mulleres (1.328 persoas máis), respectivamente.

Atendendo á nacionalidade da poboación estranxeira residente en Galicia, **cadro 1.3.8.**, os datos da estatística continua de poboación reflicten que a un de xaneiro de 2025, último dato definitivo dispoñible, o 51,8% procede de países suramericanos ascendendo esa porcentaxe ata o 15,5% no caso das persoas procedente da UE (agás España), e un 11,6% de países africanos. Cómpre mencionar que das 172.527 persoas nadas en América do Sur que residían en Galicia nesa data, 18.282 máis que no ano anterior (11,9%), o 47,6% teñen nacionalidade española, ascendendo esta porcentaxe ata o 74,4% no caso das persoas nadas en países europeos que non pertencen á UE-27. No extremo oposto, tan só o 22,1% das persoas nadas en Asia teñen nacionalidade española, situándose esta porcentaxe no 25,1% no caso do continente africano.

En relación aos movementos migratorios rexistrados en Galicia no ano 2024 (**cadro 1.3.9.**), o saldo migratorio exterior presenta un signo positivo de 27.730 persoas, cifra superior á rexistrada no ano anterior (23.337 persoas). Nese ano, un total de 16.460 persoas abandonaron a Comunidade Autónoma galega, e 44.190 persoas estableceron a súa residencia en Galicia. Atendendo á desagregación segundo nacionalidade, o saldo migratorio positivo ascende a 2.977 no

Poboación estranxeira 2024: distribución segundo lugar de nacemento ⁽¹⁾

Lugar de nacemento	Total		Nacionalidade			
		(%)	española	(%)	non española	(%)
Lugar de nacemento	2.714.741	100	2.540.247	100	174.494	100
España	2.382.744	87,8	2.375.980	93,5	6.764	3,9
Estranxeiro	331.997	12,2	164.267	6,5	167.730	96,1
Países europeos	80.368	3,0	46.074	1,8	34.294	19,7
UE (27) sen España	52.222	1,9	25.145	1,0	27.077	15,5
Países europeos non UE (27)	28.146	1,0	20.929	0,8	7.217	4,1
África	26.990	1,0	6.776	0,3	20.214	11,6
América	215.825	8,0	109.314	4,3	106.511	61,0
América do Norte	9.681	0,4	6.514	0,3	3.167	1,8
América Central e Caribe	33.617	1,2	20.638	0,8	12.979	7,4
América do Sur	172.527	6,4	82.162	3,2	90.365	51,8
Asia	8.376	0,3	1.847	0,1	6.529	3,7
Oceanía	438	0,0	256	0,0	182	0,1

(1) Datos definitivos a 1 de xaneiro de 2025

Fonte: INE, *Estadística continua de poboación*

1.3.8.

Movements migratorios con terceiros países 2023-24: distribución segundo nacionalidade e grupo de idade

	2024			2023		
	Inmigracións	Emigracións	Saldo migratorio	Inmigracións	Emigracións	Saldo migratorio
Total	44.190	16.460	27.730	39.415	16.078	23.337
Española	8.435	5.458	2.977	8.459	6.055	2.404
0-14	1.213	493	720	1.131	555	576
15-39	2.922	2.242	680	2.876	2.372	504
40-64	3.062	2.041	1.021	3.121	2.279	842
≥65	1.238	682	556	1.331	849	482
≥85	121	128	-7	130	232	-102
Estranxeira	35.755	11.002	24.753	30.956	10.023	20.933
0-14	5.666	1.339	4.327	4.686	1.355	3.331
15-39	19.399	4.781	14.618	16.386	4.447	11.939
40-64	9.081	3.941	5.140	8.475	3.496	4.979
≥65	1.609	941	668	1.409	725	684
≥85	77	87	-10	62	78	-16

Fonte: INE, *Estadística de migraciones*

1.3.9.

Indicadores demográficos das CC.AA. 2024

	Poboación a 1 de xaneiro 2025	Saldo migratorio 2024		Crecemento vexetativo	Poboación a 1 de xaneiro 2024
		exterior	interior		
Andalucía	8.676.713	67.770	-5.858	-13.272	8.631.862
Aragón	1.364.621	17.048	976	-5.335	1.351.591
Asturias	1.015.128	10.340	3.885	-8.574	1.009.599
Baleares	1.249.844	15.735	1.383	66	1.231.768
Canarias	2.258.866	27.331	439	-5.846	2.238.754
Cantabria	593.623	5.051	926	-3.092	590.851
Castela e León	2.401.221	24.316	2.091	-16.027	2.391.682
Castela-A Mancha	2.126.378	23.819	3.927	-5.563	2.104.433
Cataluña	8.124.126	129.030	-6.437	-13.777	8.012.231
C. Valenciana	5.425.182	104.776	10.966	-10.805	5.319.285
Extremadura	1.053.345	5.096	-1.088	-4.936	1.054.681
Galicia	2.714.741	27.730	2.595	-19.399	2.705.833
Madrid	7.113.886	113.964	-12.993	1.362	7.009.268
Murcia	1.586.989	18.704	-1.173	796	1.568.492
Navarra	683.854	7.264	-288	-1.474	678.333
País Vasco	2.242.343	23.420	770	-9.447	2.227.684
A Ríoxa	326.803	2.998	908	-1.257	324.184
Ceuta	83.567	416	-199	163	83.179
Melilla	87.067	1.460	-830	361	85.985
Total	49.128.297	626.268	0	-118.113	48.619.695

Fonte: INE, *Estadística de migraciones*

1.3.10.

caso das persoas españolas (2.404 no ano anterior) fronte aos 24.753 no caso das persoas de nacionalidade estranxeira (20.933 en 2023).

A estatística de migracións e cambios de residencia publicadas polo INE reflicte que en 2024, último dato dispoñible, case 55 de cada cen persoas de nacionalidade estranxeira que fixan a súa residencia en Galicia no primeiro semestre teñen entren 15 e 39 anos, así como o 44 de cada cen persoas residentes estranxeiros en Galicia que saen cara un terceiro país, sendo o saldo migratorio das persoas nesta franxa de idade positivo en 14.618 persoas. Este saldo sería positivo en 680 persoas no caso das persoas de nacionalidade española. Salientar igualmente que o 6,4% dos inmigrantes e o 9,9% dos emigrantes teñen máis de 65 anos, cun saldo migratorio positivo de 1.224 persoas (556 posúen nacionalidade española e 668 estranxeira).

No que atinxe aos movementos interautonómicos, o saldo migratorio positivo para Galicia ascende en 2024 ata as 2.595 persoas fronte ás 2.401 no ano anterior. Atendendo a desagregación segundo idades, e ao igual que no tres anos anteriores, o saldo é positivo en todas as franxas de idade agás nas persoas de 16 a 24 anos e entre 25-39 anos, o que contrasta coa situación de 2021, onde tan só era negativo no caso das persoas de 20-29 anos.



Movement natural da poboación

No ano 2024, último dato anual dispoñible, agudízase o problema do saldo vexetativo negativo, rexistrando Galicia un total de 19.399 defuncións máis que nacementos, o segundo valor máis elevado de toda a serie considerada tan só por detrás da rexistrada no ano precedente (20.501 defuncións). Esta evolución é consecuencia do descenso do 4,7% no número de nacementos, permanecendo practicamente estable o número de defuncións (-0,1%). Segundo os datos publicados polo INE, por cada 1.000 habitantes rexistráronse en Galicia un total de 7,2 defuncións máis que nacementos, fronte aos 2,4 falecementos no conxunto do Estado. Isto sitúa á nosa Comunidade Autónoma como a segunda cun menor saldo vexetativo por cada mil habitantes por detrás de Asturias (8,5 defuncións máis que nacementos), situándose este índice en 6,7 defuncións máis que nacementos en Castela e León.

A estrutura e dinámica poboacional condiciona a existencia dunha reducida taxa bruta de natalidade en Galicia. No ano 2024 na Comunidade Autónoma rexistráronse un total de 4,9 nacementos por cada 1.000 habitantes, o que a sitúa como a segunda Comunidade co índice máis reducido tras Asturias (4,5), sendo a media estatal de 6,5 nacementos. O **gráfico 1.3.11**. reflicte a tendencia descendente desta taxa de natalidade, que en 2008 se situaba en 8,4 nacementos por cada mil habitantes (11,3 en España).


As taxas de natalidade difiren de xeito moi relevante en función da nacionalidade da nai, así como tamén en función da distribución territorial. Dunha banda, se a nai é española a taxa de natalidade descende en 2024 ata os 4,4 fillos nados por cada 1.000 habitantes en Galicia, e ata os 12,6 fillos por cada 1.000 habitantes se é estranxeira. No conxunto do Estado estas taxas sitúanse en 5,6 e 12 nacementos por cada mil habitantes, respectivamente.

Doutra banda, Ourense sitúase como a provincia coa taxa máis reducida, con 4,2 nacementos por cada mil habitantes, nivel similar ao rexistrado en Zamora. Pontevedra e Lugo situaríanse no sexto e sétimo lugar, con 5 nacementos, en tanto que A Coruña, con 5,1 nacementos por cada mil habitantes, ocupa a décima posición. Asemade, atendendo á desagregación segundo grado de urbanización, o devandito envellecemento da poboación en xeral en Galicia, e en particular de xeito moi acusado nas Zonas Pouco Poboadas (ZPP), determina as moi reducidas taxas de natalidade neste territorio. En concreto, a taxa de natalidade descende en 2023 (último dato dispoñible para os distintos graos de urbanización) ata os 4,4 nacementos por cada mil habitantes, fronte aos 5,6 nacementos nas densamente poboadas e 5,4 nacementos nas zonas intermedias de poboación.


Por contra, no que á taxa bruta de mortalidade se refire, Galicia mantense no ano 2024 como segunda Comunidade autónoma coa taxa máis elevada tras Asturias (13 falecidos por cada 1.000 habitantes), rexistrando un total de 12,1 defuncións. No conxunto do Estado esta taxa descende ata os 8,9 falecidos por cada mil habitantes. A pesar de que esta taxa galega é a máis reducida dos últimos cinco anos, Galicia presenta unha tendencia crecente entre os anos 2008 e 2022; en concreto, a taxa bruta de mortalidade situábase ao comezo da serie considerada en 10,7 defuncións por cada mil habitantes, acadando o seu máximo en 2022, con 13 falecidos.

Movemento natural da poboación 2008-24 (1)

Nacementos e defuncións



Taxas brutas de natalidade e mortalidade



(1) Datos 2024 provisionais, anteriores definitivos
 Fonte: INE, Fenómenos demográficos e IGE, Nacementos, matrimonios e defuncións.

1.3.11.



Estes datos difiren de xeito moi importante se se consideran as taxas estandarizadas de mortalidade, que permite comparacións ao utilizar unha estrutura de idades común coa poboación estándar europea; en concreto, os indicadores de mortalidade publicados polo INE reflicten que en Galicia se rexistran un total de 7,5 falecementos por cada mil habitantes, valor lixeiramente inferior ao estimado no conxunto de España (7,6 defuncións por cada mil habitantes), o que a sitúa como a sexta C.A. co valor máis reducido, presentando Madrid 6,4 defuncións por cada mil habitantes, seguido de Castela e León (7 falecementos), País Vasco e Navarra (7,2 defuncións) e Cataluña (7,4 defuncións por cada mil habitantes).

As provincias de Ourense e Zamora presentan a taxa bruta de mortalidade máis elevada de España cun total de 15,4 falecementos por cada mil habitantes, situándose en terceiro lugar Lugo, con 15,1 falecementos. Por contra, Pontevedra é a provincia galega coa taxa máis reducida, con 10,5 defuncións por 1.000 habitantes, acadando este indicador os 11,7 na Coruña. Esta heteroxeneidade apréciase na análise entre os distintos grados de urbanización, onde as taxas de mortalidade ascenden en 2023 ata as 16,6 defuncións por cada mil habitantes no ámbito rural (ZPP) fronte ás 10,7 defuncións nas ZDP e ás 10,4 nas ZIP. Cómpre resaltar que nas ZPP de Lugo e Ourense este indicador sitúase lixeiramente por baixo dos 20 falecementos por cada mil habitantes (19,4 en Lugo e 19,9 en Ourense).

